

四庫全書

史部

欽定四庫全書

史部

南宋館閣錄卷一至五

詳校官太常寺少卿臣陳桂森

編修臣程嘉謨覆勛

謄錄監生臣俞錫玉

謄錄監生臣劉增

謄錄監生臣程廷璋

欽定四庫全書

史部十二

南宋館閣錄

職官類一官制之屬

提要

臣等謹案南宋館閣錄十卷宋陳騭撰續錄十卷無撰人名氏騭字叔進台州臨海人紹興二十四年進士第一慶元初官至知樞密院事兼叅知政事忤韓侂胄提舉洞霄宮卒謚文簡事迹具宋史本傳陳氏書錄解題謂

淳熙中駸長蓬山與同僚錄建炎以來事為
此書李燾為序續錄者後人因舊文而增附
之今考是錄所載自建炎元年至淳熙四年
續錄所載自淳熙五年至咸淳五年皆分沿
革省舍儲藏修纂撰述故實官秩廩祿職掌
九門典故條格纖悉畢備亦一代文獻之藪
也世所傳本訛闕殆不可讀惟永樂大典所
載差為完具今互相考訂補其脫漏者三十

一條正其舛錯者一十六條而其紀載諸人
爵里有與宋史互異者並為臚注以資參考
惟前錄中沿革一門續錄中康祿一門永樂
大典所載亦全卷皆佚無從補葺蓋是書殘
缺已在明以前矣今亦姑仍其舊焉乾隆四
十六年九月恭校上

總纂官臣紀昀臣陸錫熊臣孫士毅

總校官臣陸費墀

李燾原序

館閣錄十卷淳熙四年秋天台陳騏叔進與其僚所共
編集也上世官修其方故物不坻伏後世弗安厥官其
方莫修職業因以放失夫方云者書也究其本原事迹
及朝夕所當思營者悉書之法術具焉使居是官者奉
以周旋雖百世可考爾周官三百六十官各有書小行
人適四方則物為一書多至五書蓋古之人將有行也
舉必及三惟始衷終依據審諦則其設施斯可傳久

原按

本自此以下脫去今據文獻通考增入

六龍駐蹕臨安踰四十年三省樞

密院制度尚稽復舊惟三館秘閣歸然傑出非百司比
自唐開元韋述所集記注元祐間宋宣獻之孫匪躬作
館閣錄紹興改元程俱致道作麟臺故事宋氏皆祖韋
氏而程氏故事并國初它則多闕蓋未知其有宋錄也
惜最後四卷俄空焉余屢蒐采弗獲欲補又弗暇每每
太息今所編集第斷自建炎以來凡物巨細靡有脫遺
視程氏誠當且密官修其方行古道者不當如是耶昏

忘倦游喜見此書乃援筆為之序

欽定四庫全書

南宋館閣錄目錄

卷一 沿革

卷二 省舍

卷三 儲藏

卷四 修纂

上
下

卷五 撰述

卷六 故實

卷七 官聯

上

卷八 官聯

下

卷九 廩祿

卷十 職掌

缺 页

欽定四庫全書

南宋館閣錄卷二

宋 陳騏 撰

省舍

秘書省初復是時駐蹕紹興府寓於火珠山巷

紹興元年五月

秘書少監程俱請以火珠山巷孫氏及呂惟明沒官屋二所權置局從之見秘書省聖旨簿

紹興二年移蹕臨安府始寓於宋氏宅再徙於油車巷東法惠寺自寺殿之後為省中廳三間廳後主廊一間堂五間廳堂兩傍省官分居之

廳前有松栢六株

其南有屋三

間秘閣三館書藏焉東廊前為倉史堂吏舍次之省官位又次之西廊前為吏舍裝界作次之厨次之厠又次之省東為實錄院其外為儀門中門三間廳三間左為承受位右為檢討位

廳前有井亭柳六株有角門通秘書省

後主廊一間

廊後屋三間兩傍為檢討位後堂五間兩傍為修撰位

堂後有竹二十餘竿

廳東為吏舍及主管諸司位又東有土庫三

間

新省既成以舊省為懷遠驛驛廢為臺諫宅舊實錄院初為敕令所今為太常寺

紹興十三年十二月詔兩浙轉運司建秘書省十四年

六月二十二日遷新省

從秘書丞嚴抑之請重
建既成得旨以是日遷

省在清

河坊糯米倉巷西懷慶坊北通浙坊東地東西三十八

步南北二百步

是年四月二十九日本省劄子新省圍
牆外見今各有空地竊慮官私亂有侵

占欲各量留空地五步
充巡道以禦火災從之

大門三間七架

門南向兩傍築
短牆設控極門

臺左右列綠叉子門外
有冬青四株柳六株

門東廊六間五架

監門直舍守
門執事官房

裝界作
在焉

門西廊十間五架

點檢案知雜案經籍案祝
版案太史案宿直房在焉

右

文殿門三間七架

有金書右文殿門牌門外有柳十四
株冬青五株門左右兩池四傍皆植

芙蓉東西偏門各一間夾屋各四間皆五架

省官於東西
偏門外上下

馬東夾屋二間為過廊二間為倉史土地堂西夾屋二間為過廊二間為工匠房東西偏門外設潛火大桶二

搭鈎二麻索二藏於潛火司
右文殿五間
太上御書

之殿牌前設朱漆隔黃羅簾中設御座御案脚踏黃羅帕褥御屏畫出水龍後山牆周以辟風朱漆簷繞以欄

楮殿兩傍設牌曰殿閣御座不許呵唱殿前踏道
磚路兩傍栢十株舊有左右列朱漆大水桶十
殿後

秘閣五間高四丈
太上御書金字秘閣牌中設御座御案脚踏黃羅帕褥御屏畫出水龍閣

上木雕朱漆殿一座安奉聖政會要日曆御製扎等閣上下周回設朱漆馮子黃羅簾并風簷繞以欄楮兩傍

設牌曰殿閣御座不許呵唱
閣前有拜閣臺接右文殿
臺左右有踏

西廊皆有欄楮臺東西各有冬青四株秘閣後道山堂書監陳駿植栢八株舊有左右列水缸八

五間九架

堂牌將作監米友仁書堂兩傍壁畫以紅藥
蜀葵中設抹綠厨藏秘閣四庫書目前有綠

漆隔三十扇冬設夏除照壁山水絹圖一又軟背山水
圖一有會集則設之紫羅綠細竹簾六鐘架一并鐘一

口黑光偏凳大小六方棹二十金漆椅十二板屏十六
絹畫屏衣一鮫綃額一鶴膝棹十六壺瓶一箭十二

大青綾打扇二小綾草蟲扇十五
夏設黑光穿藤道椅一十四副
堂前瓦涼棚五間西

日幄一冬設春妝棚前有芍藥棚二秘書少監湯思退
植木樨八株栢二株舊有梅七株金林擒六株柳六株

海棠六株紅蕉二株內紅梅一株著作佐郎李
遠植餘皆秘書監陳騃植又有芙蓉蜀葵數叢
堂後軒

一間前黑漆隔六扇東西北三面皆黑漆檻有窗十八
扇冬設夏除檻外青網綠竹簾九夏設金漆椅棹

脚踏各十四黑漆嵌面屏風十四冬設漆火櫃一屏風
嵌畫古賢鉄火盆一紫綾褥三蒲座三紫絹整十六紫

絹緣簾一舊黑長
偏凳黑長棹各二

石渠在秘閣後道山堂前長五丈廣

一丈五尺跨渠石橋一

內植荷蓮橋乾道九年秘書少監陳騏立

堂東二間

九架監居之

中設偏凳一黑漆棹子一椅子二黑漆嵌面屏風二床一帳一薦四蓆一緋絹床裙

一八摺屏風一黑油火爐一油簾一面桶并架子各一青絹緣竹簾一監少位窗外皆有竹二十餘竿秘書監

李燾植金林檎二株秘書監陳騏植位前設紫絹緣竹簾并吏板

堂西二間九架少監

居之

鋪設什物如監位

東廊凡四十二間

按下文所列止三十五間疑有脫漏皆

七架大監位之東一間為光館庫

庫門設先館例牌兩傍設小牌曰應本庫

錢物不許與公庫兌移支使

庫北壁設牌十

曰謝時服曰宣麻曰拜表曰朝獻陪位曰上壽

習儀曰聖節滿散齊筵曰天申聖節開啟曰天申聖節滿散曰會慶聖節開啟曰會慶聖節滿散至期各於前山堂之前 南一間為諸路解發次二間秘書丞居之

內一間設金漆偏凳二棹一椅二床一黑漆嵌面屏風一簾一薦四床裙一油簾一黑油火爐一東有瓦涼棚

三間棚前植竹位前 又次三間館職分居之 中虛一間 傍分兩位

鋪設什物如秘丞位東有瓦次一間御書石刻 門設朱漆欄黃

涼棚三間位前設投警式牌 次一間 御書石刻 千文養 次三

絹額內藏太上御書石刻右文之殿文賦 千文養 次三 生論登樓賦高唐賦神女賦舞賦琴賦古意史節 次三

間為古器庫 內設綠厨三木架六以藏 庫前夾廊一間 古器庫後有土庫一間

閣 通秘 次三間館職分居之 中虛一間傍分兩位鋪設什物如秘丞位東有瓦涼棚三

間位前設
校讎式牌

次三間為拜閣待班之所

內設金漆椅棹四
外設青布緣荻簾

後有便道通史院內藏紹興十六年十七年二十九年三十年暴書會乾道九年丞相齊國公羣玉題名石刻

在馬次一間為圖畫庫

圖畫藏
秘閣

次三間為秘閣書庫

內設
綠厨

八藏秘
閣書

庫前有夾廊一間

通右
文殿

次五間為子庫

內設
廚七藏

書次五間為經庫

內設
七藏書
厨

次一間為潛火司

防火
器
皆列於

偏門

次一間國史院夾門

自夾門
西折
南接東偏門

西廊凡四十三

間皆七架少監位之西六間為公厨次二間為公使庫

公使錢出納具於赤厯銀器什物帳幕之屬其數載於砧基簿應本庫官不許擅便闕出如違准盜論

庫

北壁設牌十

曰迎駕起居曰人使表見曰人使大宴監赴曰唱名侍立曰聞喜宴曰會要所過局

曰著庭過局曰國忌行香曰國史院過局曰省宿至期亦於先一日掛於道山堂之前

南一間為

補寫庫次三間秘書郎分居之

中虛一間傍分兩位鋪設什物如秘丞位有瓦

涼棚三間棚前有方池一椀子三秘書郎沈洵植竹一叢秘書郎王公袞植

次三間館職分

居之

中虛一間傍分兩位鋪設什物如秘丞位有瓦涼棚三間竹一叢位前設校讎式牌

次一間

御書石刻

門設朱漆欄黃絹額內藏太上御書秘閣今上御書春賦聖政序用人論是石刻

次

一間為瑞物庫庫前夾廊一間

通秘閣

次二間為秘閣書

庫

內設綠厨八藏秘閣書

次三間館職分居之

中虛一間傍分兩位鋪設什物如秘

丞位有瓦
涼棚三間

次三間為拜閣待班之所

內設金漆椅棹四
外設青布綠蔕簾

內藏進日歷題名紹興十四年十五年二十
六年二十七年二十八年暴書會石刻在焉

次三間為

印板書庫

內設綠厨七藏
諸州印板書

次一間為提舉廳夾門門東

有夾廊一間

通右
文殿

次五間為集庫

內設綠厨
七藏書

次五間為

史庫

內設綠厨
七藏書

又二間為碑石庫

自碑石庫東折
南接西偏門

編修

會要所在少監位之西北一間為擡盤司

內藏七筋
椀標之屬次

二間為守闕楷書案次二間為供檢案次一間為雜務

使臣案次二間為楷書案又北二間為印書作

太平廣
記樂府

版共五千片新刻館閣錄版一百五十四
片中興書目版一千五百八十片藏焉
又東北五間

七架為搜訪庫

舊提舉所書庫庫門前設進徽宗實錄
觀書燕集題名并著作之庭石刻在焉

國史日厯所在道山堂之東北一間為澡園過道

內設澡
室并手

巾水盆後為圓儀鸞司掌洒掃厠板不得濺污淨紙不
得狼籍水盆不得停滓手中不得積垢平地不得濕爛

次一間為儀鸞司

貯陳設椅
棹之屬

次一間為翰林司

內藏湯
瓶茶盞

托之屬次四間為修書案中有儀門又北二間為國史庫

內藏日厯時政記起居注等文字庫兩傍次三間著作

設小牌曰非本所官吏如輒入在漏泄法

郎分居之
中虛一間傍分兩位鋪設什物如秘丞
位位前設修書式牌一紫絹綠簾一

次著

作之庭三間七架

中設翡翠木錦屏風青蛟綃縵綠簾一金漆書厨一藏著庭書目畫絹山

水屏風一金漆椅十畫屏風十周回壁掛諸司題名紫

絹綠簾五庭前瓦涼棚三間涼棚前木樺三株舊有桃

三株梅一株蠟梅二栽內梅一株著作佐郎渠克

家植餘皆著作郎楊恂植盆池六秘書監陳駿設西三

間著作佐郎分居之

中虛一間傍分兩位鋪設什物如著作郎位

庭後一間

為汗青軒

牌校書郎石起宗書中設椅八屏風八紫絹綠簾二周回設窗隔軒兩傍有欄楯欄上設

木仙女二鶴二圓規牌一校讎官許職事暇時入會茶

史官許非時帶文字入編撰長貳遇佳節依故事置公

酒三行

蓬巖在汗青軒後

牌著作郎木待問書有過廊四間中設金漆畫屏黑光漆

聚會

堯四兩傍設金漆窗北有醑釀架又北有羣玉亭三間

隔前施紫絹綠簾三

牌中書舍人范成大書初名芸香亭淳熙四年二月易
今名中設金漆椅十四偏凳一黑漆偏凳二花瓶二
香爐一金漆火爐一涼床四紫絹緣竹簾一周以窗檻
後有芍藥一壇著作郎木侍問植列山石五秘書監陳
騷立蓬巒白羣玉亭芸香亭外其餘亭橋
山澗之屬皆淳熙四年秘書監陳騷所立
亭東有鶴砌
自亭前簷開逕穿竹並池至蓄薇架下設石碁盤一瓦
墩四竹林有木鶴四牌木侍問書又有支徑通滌硯澗
亭西有芸香亭一間
牌大理寺丞虞似良書內設黑漆
亭前開逕穿竹通羣玉亭此亭舊名羣玉乾道九年建
淳熙四年二月以亭小不稱其名遂與芸香亭兩易亭
在修竹間于避暑為宜
東徑至羣玉亭西徑至松坡
有支逕通羣玉亭後
皆
以竹
穿鞠逕
牌木侍問書有菊兩
徑前臨池跨池有橋
落
壇環以竹籬中為路

亭

榜曰迎曦木待問書池及橋周回有欄楯中設金漆畫屏兩傍有檻并金漆窗隔

度橋有席

珍亭三間

設椅棹十四副屏風十四筇杖三周以窗檻後有木棹三株并竹

亭東北有

橘洲

洲上植橘十二株周引水環之繞以竹籬

又東北有東岡

環山植杉五十本上列怪

石山茶為磴道升降

岡北有藥洞

兩傍設檻有木虎一

入有採良門

兩傍有檻植花

門內有木棹二株木猿猴一

門內有茹芝館

中設畫屏花藤墩十四紫絹緣簾五藥籃四青

定花瓶二香爐一簷前有木飛鶴一周回設窗隔館外環以短牆採良茹芝皆木待問書

洞北有過

廊

兩傍有檻

又北有滌硯澗

牌木待問書澗傍菖蒲叢蓼

跨澗有木橋又

北繚羣玉亭後又西北有泉曰濯纓

淳熙四年治園鑿池得泉跨泉有橋

上有竹亭泉東有竹屋一間周四設斑竹簾中設黑漆
棹一竹花瓶一香爐一石墩十二屋北有井灌水于屋

脊巡簷而下如雨
泉西有亭三間曰錦隱中設畫屏兩

徑通蒲坡綠
西徑有射圃兩傍有入有延門門傍設牌

凡射儀司執弓
入門有亭曰繹志中設畫屏射器牌二

矢出延射者
矢二十四亭南北有欄楯植冬青十株遇射設獲旌二

旌有牌曰射獲者執旌大夫士建物則旌以物節鼓一

有牌曰射與鼓相應大夫士以下五節射帖二飲位牌

一設古銅尊勺爵盤各一竹筐一紫絹綠蓆一自亭至
射塚凡四十二步塚側柳樹懸飛木
又西有亭一間曰
方壺牌范端臣書中設金漆畫屏北有松坡環坡植松

折有趣過坡有支徑通芸香亭

又西臨池跨池有木橋一

池及橋周回有欄楯

度

橋有亭三間曰含章

牌范端臣書中設椅棹十四副屏風十四竹杖三周回以窗檻四傍

有竹後有木榭三株

亭西北有蘭畦

繞以竹籬

又北有阪

環山植杉五十本上列怪

石山茶山後即濯纓泉自席珍亭木榭至山茶皆秘書監陳駉植

園内有竹二畝雜樹

一百五十六

內柳二十梅二十二杏五桃二十六林檎二海棠十一梔子十芭蕉二錦帶二紫薇

二八仙一香迷一迎春一散水二十李五芙蓉二十四石榴二并有蜀葵萱草百餘本內紫薇著作即楊恂植梅四株梔子十株少監陳駉植餘皆舊有

國史院在省門內之東大門西向一間七架正廳南向

三間七架廳後過廊二間堂三間七架

為提舉官過局之所

堂東

四間七架修國史同修國史分居之

中虛二間傍分二位

堂西四

間七架三間修國史同修國史分居之一間為供檢庫

廳東西四間皆七架編修官分居之廳堂前後皆有瓦

涼棚三間

棚前植冬青九水缸七環之

東廊十四間皆七架一間為

點檢房次三間為修書房次一間為倉史堂次二間為

雜務房次二間為裝界作次一間為翰林司次一間為

什物庫次二間為厨次一間為廁廊外有土庫三間西

廊九間皆七架一間為守門親事官房次三間為編修
官位次一間為什物庫次一間為土地堂次一間為夾
門通秘書省次二間為舊書庫南廊十一間皆七架三
間為提舉諸司位次二間為承受諸司位次一間為主
管諸司位次三間為諸司什物庫次二間為抄寫文字

之所

一 有井

欽定四庫全書

南宋館閣錄卷三

宋 陳騭 撰

儲藏

秘書省初復士庶始有以家藏國史實錄寶訓會要等書來獻者國有大禮大事于茲有攷焉

見程俱麟臺故事後序按中興

會要紹興元年三月十八日進士何克忠上太祖皇帝實錄國朝寶訓名臣列傳六月十六日故金吾上將軍張琳妻王氏以家藏六朝實錄會要國史志等書來上詔付秘書省 紹興元年四月十四

日詔秘閣書除供禁中外並不許本省官及諸處闕借

雖奉特旨亦不許闕借二年四月詔分經史子集四庫

仍分官日校

權秘書少監王昂言本省承節次降下御府書籍四百九十二種今又有曾收家藏

書二千六百七十八卷未經校正欲依故例分庫撥充秘閣專人各行主管置進賬簿庫牌經日校二十一板于卷尾親書臣某校訖字置課程每月結押旬申本省照會遇入伏傳宣住校內有損壞脫落大段錯謬不堪批鑿者許將別本叅攷重行補寫所有進賬簿紙并裝背物料等及校書朱紅雌黃紙札欲從本省遇合用報戶部下左藏

十三年七月九日詔求遺書

詔曰國家用武開基右文

致治自削平于僭偽悉收籍其圖書列聖相承明詔屢下廣行訪募法漢氏之前規精校遺亡按開元之舊目大闢獻書之路明張立賞之科簡編用出于四方卷帙遂充于三館藏書之盛視古為多艱難以來散失無在

朕雖處干戈之際不忘典籍之求雖下令于再三十不得其四五今幸臻于休息宜益廣于搜序夫監司總一路之權郡守寄千里之重各諭所部悉上送官苟多獻于源彌當優加于褒賞十四年五月七日

秘書郎張闡言本省年例入夏暴曬書籍自五月一

日為始至七月一日止從之見中興會要五月二十八日詔

秘書省復置補寫所館閣錄熙寧七年置補寫所抄寫求訪到書籍書寫訖送三館秘閣

至是秘書郎張闡以館閣成請復置書寫校勘黃本書籍也十六年詔書籍尚未備

可立賞格行下按此條原本誤列在前十四年之上今移正二十七年十一

月二十九日詔秘書省書籍除本省官闕請就省校勘

外依舊制並不許諸處借出長貳常切覺察

已上見中
典會要

乾道二年十月摹勒御製御書光堯壽聖太上皇帝聖

政序上石

是年閏九月二十九日進高宗皇帝聖政十月三日孝宗皇帝親製序文仍書賜提舉編

類聖政事蔣芾芾請以宸翰勒之秘府制曰可芾等恭跋於後

校讎式

紹興六年六月史館修撰范冲秘書少監吳表臣叅定

諸字有誤者以雌

黃塗訖別書或多字以雌黃圈之少者于字側添入或

字側不容注者即用朱圈仍於本行上下空紙上標寫

倒置於兩字間書一字諸點語斷處以側為正其有人

名地名物名等合細分者即於中間細點諸點發字本

處註釋有音者即以朱抹出仍點發其無音而別經傳

子史音同有可參照者亦行點發或字有分明如傳記

之傳

柱戀切

為郵傳之傳

林戀切

又為傳習之傳

重緣切

斷絕

之斷

徒玩切

為斷絕之斷

都管切

又為決斷之斷

都玩切

輕重

之重

直隴切

為再重之重

儲用切

又為重疊之重

傳容切

春夏

之夏

亥駕切

為華夏之夏

亥雅切

遠近之近

巨謹切

為附近之

近

巨斬切

之類雖本處無音亦便行點發點有差誤却行

改正即以雌黃益朱點應黃點處並不為點點校訖每冊末各書臣某校正所校書每校一部了畢即旋申尚書省

秘閣諸庫書目

在道山堂如遇省官親開檢閱即時書名封鎖著庭亦如之

秘閣御

札六百七軸三十五冊五道太上皇帝聖政六十一冊

日歷一千二冊

並藏閣上

經史子集四類一萬三千五百六

卷三千九百五十八冊

分四庫在東西廊舊制秘閣書用藥黃紙欄界書寫用黃綾一

樣裝背碧綾面蒸黃絹垂蒸編排成帙及用黃羅夾複檀香字號牌子入櫃安頓黃紙并裝襯物料等並雜買

務收
買

御前書經史子集四類二千五百二卷六百十四

冊

附秘閣
東西庫

四庫書經史子集二萬三千五百八十三卷

六千五百十二冊續搜訪庫經史子集二萬三千一百

四十五卷七千四百五十六冊諸州印板書六千九十

八卷一千七百二十一冊

御容四百六十七軸

圖畫 御畫十四軸一冊人物百七十三軸一冊鬼神

二百一軸畜獸百十八軸山水窠石百四十四軸花竹

翎毛二百五十軸屋木十一軸

名賢墨蹟一百二十六軸一冊

古器四百十八硯七十五琴七

碑刻

太上皇帝御書右文之殿

一座

秘閣

一省舍門

秘閣

按前

石刻載在西廊而此復列于東廂前後互異疑有錯誤

琴賦

六段

文賦

九段

千文

三段

神

女賦

四段

舞賦

三段

古意

三段

史節

二段

養生論

二段

登樓賦

二段

高

二段

唐賦

三段

秘閣東廂

已上

在

史集帖

八段

樂毅論

一段

五色章

一段

跋

四段

四

生圖

一段

錦里詩

一段

今上皇帝御書光堯壽聖太上皇帝

聖政序

一座

用人論

一座

春賦

一座已上皆在秘閣西廂

宰輔三館題名

一座

館閣續題名

二座

道山

唐李陽水篆山南東道著作佐郎黃鈞撰二字刻之已上在道

山石渠

吳說隸書二字在石渠之南

著作之庭

禮部侍郎胡銓隸書大理寺丞虞似良刻

淳熙四年進寶錄題名

校書郎胡晉臣書已上在搜訪庫

羣玉題名一

中書舍人范成大隸在東廊拜閣待班所

進日歷題名一

校書郎石起宗書

米芾帖

十八段在

暴書會題名

紹興十六年七月十七年七月十九年七月三十年八月已

上在東廊拜閣待班所紹興十四年八月十五年七月二十六年九月二十七年八月二十八年八月已上皆

在西廊拜閣待班所

欽定四庫全書

南宋館閣錄卷四

宋 陳騏 撰

修纂上

紹興六年正月史館上重修神宗皇帝實錄二百卷

先是

建炎初降詔重修紹興五年九月十五日監修國史趙鼎進呈重修實錄五十卷其日進呈上起詣殿東壁焚香再拜受書內侍設案捧書至御前監修官搢笏展冊修撰官范冲進讀上起立觀書禮畢復御座賜監修以下銀合茶藥又宣鼎及冲生賜茶十八日有旨史館官人特轉一官內選人改合入官餘人等第推恩支賜有差以後未修之書得旨接續修纂至是書成進呈並如上儀見中興會要并日歷

四月史館上

皇帝元帥府事實十卷

先是汪伯彥上建炎中興日歷乞付史館纂述至是書成

八年九月史館上重修哲宗皇帝實錄一百五十卷

是

詔史館者詳重修是年六月九日監修國史趙鼎以先次重修到哲宗皇帝元豐八年至元祐八年實錄上之奉旨令將以後實錄接續纂修至是書成其儀制推恩如進神宗實錄之制

二十四年十月三十日實錄院上徽宗皇帝御集一百

卷

初實錄院檢討官朱翌請披訪徽宗皇帝聖製命史官編類倣五閣之制藏之無窮詔名閣曰數文至是

書成其日迎春前期儀鸞司同臨安府于秘書省道山堂當中南向設權安奉御集幄次又設駢導駢從等官幕次于秘書省之內外進呈前一日俟朝殿退實錄院提舉官并禮儀使實錄院官屬詣本院幕次俟僧道儀

衛儀仗等排立定引提舉官并禮儀使宿衛官屬詣愜
前階下立班定次引提舉官升詣香案前措笏上香再
上香三上香訖執笏降復位立贊躬拜提舉官拜在位
官皆再拜訖退歸幕次宿衛僧道儀衛儀仗教坊鈞容
直等晝夜更互作法事作樂排立迎奉進呈日其日五
更迎奉前僧道儀衛儀仗諸色祇應人排立定次御史
臺閣門太常寺分引提舉官禮儀使宰執使相待從臺
諫知閭禮官南班宗室立班定次禮直官引提舉官升
詣御集香案前措笏上香再上香三上香訖執笏降復
位立禮直官贊躬拜提舉官拜在位官皆再拜訖次禮
直官提舉官升詣御集愜前東向立次引在位官退俟
實錄院率輦官捧藥御集腰輿進行騎官分左右騎導
僧道作法事教坊鈞容直作樂迎奉儀衛儀仗迎引從
行次次引提舉官禮儀使乘馬從都大主管官提舉諸
司官并諸承受及照管一行事務官并諸司官往來照
管以俟迎奉御集入和寧門至皇城北宮門導官下馬

欽定四庫全書

卷四

執笏步從御集至垂拱殿門外幄次權安奉訖步導步
從官權退歸幕次樂止儀衛儀仗樂人等並於幄前排
立以俟進呈御集並如閤門已定儀注註此下疑實錄
院提舉官禮儀使騎從都大主管官提舉諸司官往來
照管至寶錄院騎導騎從官下馬執笏步導步從詣權
安奉處側立俟實錄院率輦官捧擎御集入幄禮直官
引提舉官升詣御集幄前東向立俟權安奉訖御史臺
閤門太常寺分引宰執使相待從臺諫知閤禮官南班
宗室北向立班定禮直官引提舉官禮儀使降階至位
立定禮直官引提舉官升詣香案前指笏上香再上香
三上香訖執笏降復位立禮直官贊躬拜提舉官拜在
位官皆再拜訖班退儀衛儀仗樂人等以次退修書官
并吏轉一官減三年磨勘內選人與改合入官更減三
年磨勘經修不經進官各轉一官並減一年磨勘餘人
等第推恩

支賜有差

二十六年十月十八日實錄院上皇太后回鑾事實十

卷

先是十二年太母回詔編修事實書成於慈寧殿安奉至是進呈其儀注如進徽宗御集之制

二十八年三月七日國史日歷所上神宗皇帝實訓一

百卷

初紹興十三年詔編修神宗實訓置國史院于秘書省書未成而罷局至二十六年著作佐郎周麟

之復請就日歷所接續修纂神宗實訓至是書成先日監修國史官禮儀使都大提舉官諸司官承受官以下并國史日歷所官赴秘書省詣道山堂權安奉神宗皇帝實訓惺前北向立班定次禮直官引監修國史官并禮儀使詣惺前北向立班定禮直官揖躬拜監修國史官禮儀使拜在位官皆再拜訖次引監修國史官詣香案前揖笏上香再上香三上香執笏降階復位立禮直官揖躬拜監修國史官禮儀使拜在位官皆再拜訖次

引監修國史官禮儀使詣幄前分東西相向立國史日
歷所官權退俟國史日歷所率輦官捧擎神宗皇帝寶
訓幄前分東西相向立俟權安奉訖次引監修國史官
禮儀使國史日歷所官權歸幕次俟僧道儀衛儀仗輦
官樂人等排立定玉牒所排辦香火畢備次御史臺閣
門太常寺分引玉牒所官并國史日歷所官詣玉牒殿
下北向立班定次禮直官引提舉官禮儀使詣殿下北
向立班定禮直官揖躬拜提舉官禮儀使拜在位官皆
再拜訖次引提舉官詣神宗皇帝寶訓幄香案前措笏
上香再上香三上香執笏降階復位立禮直官揖躬拜
提舉官禮儀使拜在位官皆再拜訖班退歸幕次宿衛
儀衛儀仗輦官僧道樂人等作法事作樂晝夜更互排
立進呈其日五更僧道儀衛儀仗輦官樂人等排立定
玉牒所排辦香火畢備次御史臺閣門太常寺分引提
舉官禮儀使宰執使相侍從臺諫兩省官知閣禮官玉
牒所官國史日歷所官南班宗室詣玉牒殿下北向立

班定禮直官揖躬拜提舉官禮儀使拜在位官皆再拜
訖次引提舉官詣祖宗仙源積慶圖幄香案前搢笏上
香再上香三上香執笏次詣神宗皇帝寶訓幄香案前
搢笏上香再上香三上香執笏降階復位立禮直官揖
躬拜提舉官禮儀使拜在位官皆再拜訖次禮直官引
提舉官禮儀使詣幄前分東西相向立次引宰執使相
侍從臺諫兩省官知閣禮官國史日歷所官南班宗室
詣權安奉神宗皇帝寶訓幄前分班立定次天章閣國
史日歷所率輦官捧擎神宗皇帝寶訓腰輿進行步導
官步導教坊鈞容直作樂前引次引監修國史官禮儀
使步從俛神宗皇帝寶訓腰輿將至閣下知閣禮官導
引神宗皇帝寶訓升步導官退歸幕次禮直官引監修
國史官禮儀使詣閣下香案之東西向少立次引監修
國史官禮儀使權退歸幕次以俛安奉立班本閣捧遷
神宗皇帝寶訓升閣權安奉側座如安奉日值雨其文
武百官于廊上立班儀衛儀仗樂人輦官更互作樂排

立俟安奉時將至本閣于閣下排辦香火畢御史臺閣門太常寺分引文武百官詣本閣詣閣下香案前之東西向立俟尅擇官報時及俟本閣安奉神宗皇帝寶訓訖次引監修國史官禮儀使降階復位立禮直官揖躬拜監修國史官禮儀使拜在位官皆再拜訖次引監修國史官詣香案前措笏上香再上香三上香執笏降階復位立禮直官揖躬拜拜訖班退儀衛儀仗樂人作樂訖皆退推恩如進仙源類譜之制已上見中興會要其儀制太常寺具到

十一月實錄院上徽宗皇帝實錄一百五十

卷 先是紹興七年詔史館編修徽宗皇帝實錄十一年七月本院以從上年月先次修成六十卷以後未修年月接續修纂至是書成其日不視事俟有司排當備垂拱殿排立樂衛諸班直侍從等排立如儀儀鸞司設香案等并褥位于殿上東壁知閣門官前導簿書官二員自殿門接引腰輿至殿東階下稍南禁衛西立定實

錄院點檢文字以下並履笏隨腰輿入殿腰輿西行立
俟閤門報引騎導官并實錄院修撰官同修撰官以下
次報引禮儀使提領官入殿並履笏于殿下分東西相
向立定閤門附內侍進牌皇帝服履袍出宮殿下鳴鞭
禁衛諸從并內侍省執骨朶使臣實錄院點檢文字已
下并擎腰輿輦官並迎駕自贊常起居內擎腰輿輦官
不拜止應喏皇帝坐內侍省押班御帶以下一班履笏
常起居各歸東朶殿侍立次知閤門官以下並樞密院
都承旨修注樞密院諸房直房副承旨提點同點承受
諸司祇應武功大夫以下並履笏一班閤班宣名常起
居樞密院都承旨修注官升東殿侍立餘各歸侍立祇
應位知閤門官升殿讀奏訖次管軍一班履笏宣名常
起居並赴東朶殿侍立次行門常起居次舍人分引禮
儀使提領官執政官修撰同修撰官以下並騎導官一
班履笏宣名常起居訖禮儀使提領官執政官修撰官
並升殿侍立俟入內官進御官於御前過西壁向東立

欽定四庫全書

卷四

提舉諸司官至匣前搢笏啓封開鎖訖出笏歸侍立承
受官搢笏于匣內取實錄訖轉授提領官訖出笏提領
官搢笏按冊置御桌子上出笏皇帝起于御座前立提
舉諸司官過西壁與承受官並搢笏揭冊訖出笏修撰
官搢笏取篋子指讀逆板揭冊並如上儀俟進讀畢修
撰官執篋子立提領官搢笏收冊復授承受官訖出笏
如再有進讀冊並如上儀俟進讀訖皇帝復座修撰官
置篋子于御桌子上出笏却過東壁提領官歸位立俟
入內官撤御桌子禮儀使提領官以下並降東階下殿
東壁面西立承受官捧實錄冊復入匣提舉諸司官鎖
匣訖入內官捧匣下殿置于腰輿上儀鸞司徹香案舍
人引禮儀使提領官當殿立定引直身各出班告謝訖
歸位立揖躬身贊拜兩拜訖贊各祇候直身立御藥下
殿宣諭訖揖躬身贊拜兩拜訖贊各祇候直身立舍人
引歸殿下面西立次引修撰官以下一班告謝兩拜如
傳旨謝恩舍人承旨修撰官以下一班各謝恩兩拜謝

訖歸位立傳旨宣坐賜茶合赴坐官賜茶如儀賜茶畢
火舍人報閣門無公事皇帝起還宮殿下鳴鞭知閣門
官前導簿書官前引腰輿出殿退修書官吏各轉一官
減三年磨勘經修不經進行在供職官黃中一員轉一
官減三年磨勘餘人等第推恩內經修不
經進在外供職官令吏部開具中尚書省

二十九年十二月實錄院上永祐陵迎奉錄十卷

前二日奏

告景靈宮神御前並于侍從內差官一員其日迎奉永
祐陵迎奉錄腰輿于國史院安設俟援衛并輦官排立
定本院排辦香火畢質明御史臺閣門太常寺分引國
史院官並常服黑帶詣香案前立定次禮直官引監修
國史官并提舉承受官詣香案前立班定禮直官揖躬
拜監修國史官詣香案前揖笏三上香執笏退復位立
禮直官揖躬拜訖監修國史官并提舉承受官升詣永
祐陵迎奉錄前分東西相向立次本院官側身在東西

向立本院率輦官捧擎永祐陵迎奉錄腰輿進行親事
官援衛次引監修國史官提舉承受官并本院官後從
至秘書省門外乘馬從入和寧門至合下馬處執笏步
從經由北宮門其應合赴立班官並入和寧門經由北
宮門至天章閣俟將至天章閣御史臺閣門太常寺分
引文武百官文臣用釐務通直郎以上及行在見任寺
監主簿承務郎以上職事官赴赴內武臣保義郎以上
並常服黑帶迎永祐陵迎奉錄兩拜訖權退如值雨地
面霑濕迎拜官更不迎拜後從官至天章閣本院官捧
遷永祐陵迎奉錄升閣詣數文閣權安奉側座援衛輦
官更互排立後從官權退幕次俟時立班行安奉禮後
從官并諸色祇應人等如值雨許施雨具其後從官至
合下馬處免步從安奉其日安奉時前用文武百官並
服常服吉帶俟天章閣于閣下排辦香火畢提舉承受
官往來照管次御史臺閣門太常寺分引文武百官同
詣徽宗神御殿下北向立班定次禮直官引監修國史

官詣閣下香案之東西向立定剋擇官報時及俟本閣
安奉永祐陵迎奉錄訖次引監修國史官降階立定禮
直官揖躬拜監修國史官拜在位官皆再拜訖次引監
修國史官詣香案前措笏三上香執笏降階復位立禮
直官揖躬拜監修國史官拜在位官皆再拜訖班退接
衛輦官以次退先是監修國史湯思退奏本院經進回
鑿事實推恩已極隆厚今來所進書乞不推恩修書人
吏等乞支犒散一次有旨依見中興會要并國史院聖

簿
旨

乾道二年閏九月二十九日國史院上三朝帝紀三十

卷

紹興二十八年置院修三朝正史三十一年提舉修
三朝國史陳康伯奏今來編修三朝正史紀成乞選

日進呈從之至是與太上皇帝聖政同進呈皇帝先詣
三朝帝紀前上香再拜次詣太上皇帝聖政前上香再

拜復歸御座承受官取帝紀授提舉官置御桌上皇帝起御座前立修帝紀官進讀訖皇帝復座起進讀聖政如初禮其他導引排班告謝賜茶之類並如進徽宗皇帝實錄儀制見國史院聖旨簿

同日國史

日歷所上太上皇帝聖政六十卷

紹興三十二年九月十一日敕令所改為

編類聖政所隆興元年七月併歸日歷所至是書成與帝紀同進呈十月三日恭進前期儀鸞司設聖政幄次于德壽宮殿門內之西東向又設大次于德壽宮殿門外之東南向小次于殿門內東廊西向又設權安奉聖政幄次于德壽宮門外隨地之宜又設御案于殿上之西北及設聖政匣桌子于殿上西壁又設文武官幕次于宮門之內外迎奉其日五更宰執親王使相侍從臺諫兩省官知閣禮官聖政所官南班宗室都大主管官承受諸司官並詣秘書省內外幕次內應奉官有職事相妨者免赴俟儀衛儀仗輦官樂人等排立定俟聖政

所排辦香火畢構御史臺閣門太常寺分引宰執親王
使相待從臺諫兩省官知閣禮官聖政所官南班宗室
詣道山堂權安奉聖政幄前北向立定禮直官引禮
儀使提舉官詣幄前北向立定禮直官引禮儀使提舉
官拜在位官皆再拜訖禮直官引禮儀使詣香案前搢
笏上香再上香三上香執笏退復位禮直官揖躬拜禮
儀使提舉官拜在位官皆再拜訖禮儀使提舉官詣幄
前分東西相向立次引宰執親王使相待從臺諫兩省
官知閣禮官聖政所官南班宗室以次出秘書省門外
分左右乘馬以俟騎導次聖政所率輦官捧擎光堯壽
聖太上皇帝聖政腰輿進行樂人作樂有闕文下疑樂人
儀衛儀仗等就幄前排立騎導騎從等官並權退歸幕
次德壽官門開引騎導官詣聖政幄前分左右步導聖
政所率輦官捧擎聖政腰輿進行禮儀使提舉官後從
樂人儀衛儀仗前引都大主管官承受諸司官從入至
德壽宮殿西廊上幄次安奉訖導從等官權退歸幕次

儀衛儀仗樂人並於宮門迤地排立俟進訖並退其日
皇帝出祥曦殿即御座後臣僚禁衛等起居如常儀皇
帝降座乘輦轉至德壽宮報引合赴立班官并聖政所
官宮門外迎駕起居如值雨或地面露濕並免起居訖
前導官太常卿閣門官太常博士禮直官先入詣大次
前分左右立定次聖政所點檢文字以下率輦官捧擎
聖政腰輿知閣門官前導簿書官二員前引至殿西階
下置定次內侍官捧聖政匣升殿西階詣殿上設于西
壁桌子上閣門簿書官并聖政所官及輦官捧腰輿先
退其聖政所點檢文字西階下立都大主管官承受官
于殿上照管訖隨地立定次德壽宮提點官于殿上聖
政匣之側立俟皇帝詣德壽宮大次降輦入次御史臺
閣門太常寺分引合赴立班官入詣殿下相向立前導
官導皇帝入小次及簾俟光堯壽聖太上皇帝出官即
御座禁衛起居前導應奉等官并聖政所檢點文字以
下四拜起居訖小次簾捲前導官導皇帝升殿東階詣

殿上折檻前褥位北向立太常卿奏請拜皇帝再拜訖前導官導皇
身奏聖躬萬福訖又奏請拜皇帝再拜訖前導官導皇
帝詣先堯壽聖太上皇帝御座之東西向褥位立前導
官于殿上隨地之宜立引殿下立班官橫行北向立定
揖班首以下躬典儀曰拜贊者承傳曰拜在位官皆再
拜訖直身搯笏躬身三舞蹈跪左膝三叩頭出笏就一
拜又再拜訖且躬身班首不進位奏聖躬萬福訖典儀
曰拜贊者承傳曰拜在位官皆再拜訖禮直官引禮儀
使提舉官升殿西階詣御座之西稍東南向立次禮直
官引進讀官升殿西階于殿上聖政匣之側隨地立定
次內侍舉御案詣先堯壽聖太上皇帝御座前設定諸
司官各封鎖匣蓋承受官取冊轉授都大主管官再以
授提舉官提舉官出位搯笏受聖政冊捧詣皇帝褥位
之前北向躬進訖提舉官執笏少退位皇帝受聖政冊
前導官導皇帝詣先堯壽聖太上皇帝御案前北向躬
設于案上訖前導官導皇帝詣御案之東西向立次禮

直官引進讀官詣御案之西側身北向揖笏啓聖政冊
已讀訖合冊執笏降西階歸本班立前導官導皇帝詣
御案前北向躬徹聖政冊退詣匣前以聖政冊授都大
主管官訖提舉官禮儀使並降西階位次都大主管官
以聖政冊授承受官置于匣封鎖訖按此下疑折檻前
褥位北向立太常卿奏請拜皇帝再拜訖前導官導皇
帝詣褥位西向立殿下揖班首以下躬典儀曰拜贊者
承傳曰拜在位官皆再拜訖直身措笏躬身三舞蹈跪
左膝三叩頭出笏就一拜又再拜訖直身立光堯壽聖
太上皇帝降座皇帝後從入宮其殿下官以次退立俟
從駕還內如來儀都大主管官承受官以聖政冊授德
壽宮提舉官提點官進入修書官吏各轉一官減一年
磨勘內選人改合入官更減一年磨勘經修不經進行
在供職官轉一官餘人等第推恩支賜有差三朝帝紀
推恩亦如之見國
史日歷所聖旨簿

三年五月國史院上摺宗皇帝實訓六十卷

三月二十八日同修

國史洪邁等奏昨奉旨修纂摺宗實訓今已成書乞與玉牒所同日進呈有旨依推恩如進欽宗實錄之制其

儀注如進神宗實訓之制

四年四月實錄院上欽宗皇帝實錄四十卷

先是三年十一月起

居舍人兼國史院編修官洪邁奏欽宗實錄昨降指揮俟修成日歷發赴本院修纂今已修成日歷合發赴本院修纂有旨依十二月十二日有旨欽宗日歷可免進呈發赴國史院依例修纂實錄至是書成修書官吏各轉一官減一年磨勘經修不經進行在供職官各轉一官在外官減二年磨勘餘人等第推恩支賜有差見國

史院聖

旨簿

六年五月秘書省上續國朝會要三百卷

先是紹興三十年二月臣

僚言請起自元豐元年以後接續編次三十一年正月有旨令秘書省編修至是成書儀注如進徽宗實錄修書官吏各轉一官減磨勘一年餘人等第轉官減磨勘支賜有差見秘書省聖旨簿

九年九月六日秘書省上國朝中興會要二百卷

先是乾道

六年閏五月尚書省劄子勘會國朝會要已修至靖康朝得旨令自建炎元年修至乾道五年是年十月秘書少監陳騏言編類建炎以後會要已編修至紹興三十二年六月十一日成書欲乞先以進呈從之儀注並如進徽宗實錄修書官吏各轉一官選人改合入官經修不經進行在供職官減三年磨勘在外官減二年磨勘餘人等第推恩支賜有差見會要所聖旨簿

淳熙三年三月三日國史日歷所上太上皇帝日歷一

千卷

先是隆興元年四月空日詔修日歷以修日歷所為名至是淳熙三年二月秘書監李燾等奏本所

昨准聖旨修日歷逐旋進呈今來編次成一千卷乞行擇日進呈從之其日進呈六日恭進儀注並如進聖政之制經修經進官吏各轉一官更減二年磨勘經修不經進行在供職官轉一官在外官減三年磨勘其內侍等轉官減磨勘支賜有差見國史日歷所聖旨簿

四年三月二十九日實錄院上重修徽宗皇帝實錄二

百卷考異二十五卷目錄二十五卷

先是乾道五年十一月秘書少監李

燾請將徽宗皇帝實錄重加刊修有旨從之六年四月就國史院置實錄院重修至是書成進呈儀制如紹興

欽定四庫全書

南齊書卷四

二十八年進呈之制修書官吏各轉一官減一年磨勘
內選人改合入官更減一年磨勘經修不經進行在供
職官轉一官在外官減二年磨勘餘人等第
轉官減磨勘支賜有差見國史院聖旨簿

修纂下

凡修書初修提舉官開局進書前一日觀書次日進書
實錄奉安于天章閣數文閣日歷聖政會要則奉安于

秘閣

凡修日歷照用文字三省宣諭聖語

初名時政記乾道七年改為宣諭聖

語

宰執編次進入或一兩月或半年降付日歷所中書

門下省時政記樞密院時政記宣諭聖語亦如之起居

注門下中書後省按月送所

舊制進入降下自隆興元年五月起居舍人胡銓申

請自後不進入閣門排日隨所修年月闕取諸司闕報則凡被

受指揮皆抄錄送所類押著庭長貳風雲氣候太史局

實封具報至月終又總而申焉

修日歷式

舊式少監程俱定紹興三十二年四月少監陳之淵著作佐郎張震復上建炎以後日歷

格至乾道間著作佐郎鄭伯熊以新舊格參立

排甲子 節假 祭祀 忌日

御殿

後殿云御後殿前殿云常朝不坐云不視朝

宰執進呈

無即云三省樞密院奏事臣

僚面對進對奏事

進對則有召見引見本職奏事則有左右史直前三衙倚杖子面對奏事

只云

面對朝見辭

任滿回或差出回或赴行在皆云朝見進對已有差遣云朝辭進對

引見公

事

係堆垛子轉員軍頭司

車駕出入

外國進奉

詔書

赦書

群臣上表有所請唯錄首表及第一批答臣僚章疏

並書

妃主相將初拜及遷改錄制書

兩府出入升

降黜錄麻詞

兩制有功過陞降錄制詞

雖監當亦書

文武

官有功賞及時改官官雖畀因事賞罰者書

轉官

文臣

宣義郎以上武臣修武郎以上

差遣

文臣在京職事官在外監司參謀參議官知通以上武臣總管路分

州鈐轄一路都監將副諸軍陞改
雖官小任京局并帶閣職亦書

詔書獎諭 諸司奏

請改更條法關治體者書 臣僚薨卒行狀事迹

文臣
卿監

武臣刺
史以上

沒王事不以官品高下悉書

致仕

文臣朝奉
郎武臣大

夫以

封贈

錄子孫

賜章服

宗室賜名

講書

祥異 年終戶口 大辟

修史例

文臣職事官除館職郎官監察御史開封府

推判官以上書

貼職直龍圖閣以上書

常調除官

並書

曾任館職應書而謫授或牽復小郡書

武臣

橫行正任刺史知閭帶御器械都副承旨以上書 文
臣職事官及武臣職任應書而轉資責降無事因或因
赦叙復之類不書 內職妃以上書 內侍都知押班
書 知州監司有常權發遣或權或新並去權發遣及
權字 御筆書手詔

欽定四庫全書

南宋館閣錄卷五

宋 陳騭 撰

撰述

紹興元年四月十四日詔樂章贊頌赦奠輓祭文夏國
人使到驛宴設教坊白語刪潤文字及答高麗書文並
依舊制長貳分諸官撰六月十三日詔應祠祭天地社
稷祝文令秘書省依舊分撰書寫請降先是罷秘書省
令禮部郎官并太常博士分撰至是復之

樂章 紹興十八年十一月一日臣僚言欲乞遇上辛

日祀感生帝並依本朝舊制大祀樂章報秘書省修撰

有旨從之降神大安之樂四曲

正字葛
立方撰

盥洗升殿保安

之曲奠玉幣光安之曲僖祖位奠幣皇安之曲

正字孫
仲菴撰

奉俎咸安之曲感生帝酌獻崇安之曲僖祖位酌獻肅

安之曲文舞退武舞進正安之曲

太常寺主簿兼權秘
書省校勘書籍官林

大禹 亞終獻徹豆送神望燎四曲

諸王官大小學教授
兼權秘書省校勘書

籍官葉 二十二年二月十八日臣僚言祚德廟乞依中

繼撰

祀樂章乞從秘書省修撰有旨從之成信侯忠智侯義

成侯迎神升殿

降殿同

奠幣三曲

校書郎董德元撰

酌獻三曲

校書

郎王佐撰

亞終獻送神二曲

正字周麟之撰

按原本以亞

終獻送神二曲列於酌獻之前

而迎神升殿奠幣三曲反列於後似覺倒置今據宋史樂志改正

二十七年四月臣僚

言紹興之初日不暇給祭祀有未復者十三祭欲望依

舊作大祀合用樂章依例報秘書省修撰有旨從之秋

分夕月十曲

著作佐郎楊邦弼撰

季秋祀內火大辰十二曲

著作佐郎

陳俊卿撰

孟冬祭神州地祇十六曲

校書郎季南壽撰

立冬祀黑帝

十二曲

校書郎陳祖言撰

臘月一日祀東蜡十四曲

校書郎胡沂撰祀

西蜡十四曲

校書郎葉謙亨撰

立春祀青帝十二曲

校書郎張孝祥撰

春分朝日十曲

正字汪澈撰

仲春祀出火大辰十二曲

正字林之

奇撰立夏祀赤帝十二曲

正字陳山撰

祀熒惑十二曲

正字魏志撰

土王祀黃帝十二曲

正字劉望之撰

五月太常寺言十三祭尚

闕白帝樂章十二曲省官再分撰降神高安之曲圜鍾

宮三奏

秘書丞楊邦弼撰

黃鍾角一奏

秘書郎唐文若撰

太簇徵一奏

著作佐郎黃中撰

沾洗羽一奏

著作佐郎王剛中撰

升殿

按原本誤作初獻今據宋史樂

志改

正 正安之曲

校書郎李南壽撰

詣白帝位奠玉幣嘉安之曲

校書郎陳祖言撰

詣帝少昊氏位奠幣嘉安之曲

校書郎陳俊卿撰

奉

俎豐安之曲

校書郎胡沂撰

詣白帝位酌獻祐安之曲

校書郎葉謙亨

撰 詣帝少昊氏位酌獻祐安之曲

校書郎張孝祥撰

亞獻終獻

文安之曲

正字汪澈撰

送神高安之曲

正字林之奇撰

乾道四年十

月十一日禮部員外郎李燾奏乞舉行岳鎮海瀆先農

先蠶風師雨師雷神並復舊典樂章報秘書省修撰有

旨從之立春祀東方岳鎮海瀆九曲

著作佐郎劉季裴撰

風師六

曲校書郎劉焯撰孟春祀先農七曲秘書郎李木撰季春祀先蠶六曲

著作佐郎李遠撰立夏祀南方岳鎮海瀆九曲校書郎唐元宗撰雨師

雷神七曲校書郎貞興宗撰季夏祀中岳中鎮七曲秘書丞唐孚撰立

秋祀西方岳鎮海瀆九曲正字陳駉撰立冬祀北方岳鎮海

瀆九曲正字楊興宗撰臘前一日祭南蜡七曲正字蕭國梁撰北蜡七

曲著作佐郎苑元之撰

祝辭 太廟朔祭僖祖至哲宗校書郎王洋撰徽宗欽宗懿節

皇后詞同上安穆皇后秘書丞唐閱撰安恭皇后詞同上四孟薦享

僖祖至哲宗

校書郎林叔豹撰

徽宗欽宗

詞同上

懿節皇后

春正字方

蕭撰夏秋正字程千里撰冬校書郎蔣蒂撰

安穆皇后

春正字張宋卿撰夏正字王東里撰秋正

字梁克家撰冬秘書丞唐閱撰

安恭皇后

詞同上

立春祀青帝帝太昊氏

配著作郎虞灃撰

東方岳鎮海瀆

正字宋之才撰

立春後丑日祀風師

正字宋之才撰

正月上辛祈穀祀昊天上帝太宗皇帝配奏告

正字王洋撰

感生帝僖祖配奏告

正字李誼撰

亥日享帝神農后

稷氏配

正字孫道夫撰

仲春上丁釋奠至聖文宣王充國公鄒

國公配

正字凌景夏撰

上戊釋奠昭烈武成王漢少傅留侯配

正字黃

太社后土勾龍氏配太稷后稷氏配

正字徐林撰

春

分朝日

著作郎虞灃撰

高禋青帝帝伏犧氏帝高辛氏簡狄氏

姜嫄氏

御製

季春己日享先蠶出火祀大辰商邱宣明王

配

正字宋之才撰

大火商邱宣明王配

著作郎虞灃撰

東太一宮

正字孫仲

釐

仲春祭九宮貴神

秘書郎周執羔撰

擇日祭彊濟公英略公

正字孔端朝撰

啟佑公

正字何若撰

立夏祀南太乙宮

正字孫仲釐撰

赤帝

帝神農氏配

著作郎虞灃撰

南方岳鎮海瀆

秘書丞陸時雍撰

熒惑商

邱宣明王配

秘書丞王迎撰

孟夏雩祀昊天上帝太宗皇帝配

奏告

校書郎
王洋撰

立夏後申日祀雨師雷神

秘書丞陸
時雍撰

夏至

日祀皇地祇太祖皇帝配奏告

校書郎林
叔豹撰

季夏土王祀

黃帝帝有熊氏配

著作郎
虞灃撰

中岳中鎮

正字凌
景夏撰

立秋祀西

太乙宮

正字孫
仲鼂撰

白帝帝少昊氏配

著作佐郎
洪興祖撰

西方岳鎮

海瀆

秘書丞
王迎撰

仲秋上丁釋奠至聖文宣王兗國公鄒國

公配

正字孫
道夫撰

上戊釋奠昭烈武成王漢少傅留侯配

正字

范如圭撰

秋分夕月

著作佐郎
洪興祖撰

壽星

正字徐
度撰

太社后土勾龍

氏配

校書郎劉
一止撰

太稷后稷氏配

正字王
洋撰

內火祀大辰商

邱宣明王配正字王 洋撰 仲秋祀九宮貴神與春 祀同 擇日祭疆

濟公英略公正字洪 興祖撰 啟佑公正字張 闡撰 季秋祀上帝太宗

皇帝配奏告校書郎舒 清國撰 大火商邱宣明王配正字洪 興祖撰 立

冬祀北太乙宮正字孫 仲鼈撰 黑帝帝高陽氏配著作佐郎 洪興祖撰 北

方岳鎮海瀆正字徐 度撰 立冬後祭神州地祇太宗皇帝配

奏告正字林 叔豹撰 冬至祀昊天上帝太祖皇帝廟前二日奏

告秘書丞劉 大中撰 昊天上帝太祖皇帝配正字林 叔豹撰 季冬臘前

一日蜡祭太社秘書丞劉 大中撰 后土勾龍氏配正字王 洋撰 太稷

后稷氏配

正字林叔豹撰

蜡祭百神東蜡大明正位帝神農氏

配后稷氏配歲星以下從祀諸神

校書郎葛立方撰

西蜡夜明

正位帝神農氏配后稷氏配太白以下從祀諸神

校書郎孫

仲懿撰

南蜡帝神農氏正位后稷氏配熒惑鎮星以下從

祀諸神

太常丞兼校勘書藉官林大禹撰

北蜡帝神農氏正位后稷氏

配辰星以下從祀諸神

諸王宮教授兼校勘書藉官葉緜撰

外路祭歷代

帝王衢州周太祖皇帝世宗皇帝

正字喻樗撰

宣懿皇后

正字

王蘋撰

衡州帝神農氏祝融氏配道州帝有虞氏虞相庭

堅配

秘書郎李百樂撰

越州夏王大禹夏相伯益配

校書郎王洋撰

南

方岳鎮海瀆

秘書丞陸時雍撰

立春祀東海

舊詞同

臘日享太廟

別廟僖祖至哲宗

正字徐林撰

徽宗欽宗

詞同

懿節皇后

校書

郎龔茂良撰

安穆皇后

正字張宋卿撰

七祀祭享

正字汪澈撰

太廟祫享

僖祖至哲宗

正字張宋卿撰

徽宗欽宗

詞同

懿節皇后

正字莫冲撰

安穆皇后

著作佐郎龔茂良撰

七祀

校書郎季南壽撰

大禮前一日享別

廟乾道元年正月上辛郊祀大禮前一日享別廟安穆

皇后

校書郎莫冲撰

輟祭文 紹興七年八月嗣濮王仲湜撰官 九年十二

月嗣濮王仲偁

正字樊光遠撰

十二年二月贈賢妃張氏

校書郎王

璧撰 十二月贈太師劉光世

校書郎趙衛撰

秦魯國大長公主

正字

洪遵撰

十三年十二月修容魏氏

正字陳誠之撰

十四年六月贈

少保榮王吳近

正字沈介撰

魯國夫人張氏

正字何逢原撰

十六年

二月贈少師錢恂

正字湯思退撰

十八年六月賢妃潘氏

正字葛立

方撰 二十年九月楊國夫人趙氏

秘書丞丁妻明撰

二十一年九

月太師通義郡王韓世忠

校書郎王佐撰

二十二年二月秦國

夫人魏氏

校書郎董德元撰

八月楊國夫人趙氏

正字周麟之撰

九月

賢妃慕容氏

校書郎王佐撰

二十三年閏二月贈太師平樂郡

王韋淵

校書郎董德元撰

二十四年八月太師清河郡王張俊

校勘書籍官劉珙撰

二十五年十一月太師申王秦檜正字張震撰二

十六年閏十月二十八日贈開府儀同三司韋謙

正字張孝

祥撰二十七年四月特進万俟卨校書郎葉謙亨撰太保信安郡

王孟忠厚

校書郎胡沂撰

三十二年十二月崇國慈良保祐賢

壽夫人周氏

正字戴達先撰

乾道元年三月太師魯國公陳康

伯

正字鄭升之撰

二年八月太傅新興郡王吳蓋

著作佐郎黃鈞撰

九

月和國淑懿靖順夫人郭氏

秘書郎沈洵撰

十一月太師靳春

郡王楊存中

正字李速撰

四年七月信國夫人慕容氏

正字劉焯

撰

六年五月崇國夫人王氏

校書郎楊興宗撰

七年三月太傅

大寧郡王吳益

校書郎蕭國梁撰

九年三月榮國公槿

秘書丞薛元鼎

撰

六月儀國柔惠嘉淑靖懿夫人朱氏

秘書丞楊恂撰

進詩

紹興十三年二月恭閱御書左氏春秋史記列

傳

少監秦煊著作郎王楊英周執羔秘書郎張漢彥校書郎嚴抑張闡趙衛錢周材范雱正字洪遵吳芾各

一 首 六月恭閱御書周易

少監姜師仲秘書丞嚴抑秘書郎張闡著作佐郎錢周材趙衛

各一首校書郎陳誠之二首正字洪遵吳芾洪适潘良能沈介各一首

十四年正月恭閱

御書尚書

秘書丞嚴抑三首秘書郎張闡著作佐郎錢周材趙衛校書郎陳誠之正字吳芾沈介各

一 首 七月車駕臨幸秘書省

提舉秘書省秦煊中書舍人兼實錄院修撰段拂各三首

少監游操吏部員外郎兼權國史院檢討官嚴抑各一首秘書郎張闡二首著作佐郎錢周材趙衛各一首校

書郎陳誠之二首

十月恭閱御書毛詩

提舉秘書省秦煊一首少監游

正字沈介一首
操吏部員外郎兼權國史院檢討官嚴抑各二首著作佐郎錢周材一首趙衛二首校書郎陳誠之一首正字

沈介 十六年四月恭閱御書春秋左氏傳

提舉秘書省秦煊著作佐

郎王墨卿各二首魏元若校書郎沈
介正字湯思退劉章張本各一首

十九年十一月恭

和御製郊祀喜晴詩

提舉秘書省秦熺少監湯思退太
常丞兼權秘書省校勘書籍官林

大鵬樞密院編修官兼權實錄院檢討官周紫芝著作
佐郎劉章林機太常寺主簿兼權秘書省校勘書籍官

葉綝校書郎葛立

恭進郊祀大禮慶成詩

提舉秘書省
秦熺三首少

方孫仲鼈各一首
監湯思退太常丞兼權秘書省校勘書籍官林大鵬各
一首樞密院編修官兼權實錄院檢討官周紫芝五首

著作佐郎劉章林機太常寺主簿兼權秘書省校
勘書籍官葉綝校書郎葛立方孫仲鼈各一首

二十

年五月進奉安中興聖統慶成詩

提舉秘書省秦熺少
監湯思退樞密院編

修官兼權實錄院檢討官周紫芝各二首著作佐郎林
機一首校書郎孫仲鼈太常博士兼權秘書省校勘書

籍官丁婁明各二首太學錄兼權
秘書省校勘書籍官周麟之三首

二十二年十一月恭

進郊祀大禮慶成詩

提舉秘書省秦煊樞密院編修官
兼權實錄院檢討官楊迥著作佐

郎丁婁明各一首校書郎董德元
二首王佐正字周麟之各一首

二十四年九月恭進

徽宗皇帝御集禮成詩

提舉秘書省秦煊實錄院修撰
秦頊著作佐郎丁婁明各二首

諸王宮大小學教授兼權秘書省校勘書籍官劉珙四
首國子監書庫官兼權實錄院檢討官鄭時中二首

二十八年十一月恭進郊祀大禮慶成詩

秘書丞虞允
文吏部負外

郎兼國史院編修官葉謙亨胡沂著作郎揚邦弼陳俊
卿校書郎汪澈洪邁王淮任質言正字林之奇魏志劉

望之王端
朝各一首

淳熙二年五月恭和御製賜詹駉以下詩

秘書

監莫冲少監程大昌秘書丞錢俱秘書郎王公衮何萬
著作佐郎楊恂鄭僑校書郎蔣繼周史弼大林枏正字
李屋石起宗
何淡各一首

刪潤文字 紹興二十七年八月十五日昭慶軍承宣

使致仕王繼先上校定大觀證類本草有旨令秘書省

官修潤訖付國子監刊行至十一月進呈一至三卷

即王 四至六卷 著作佐郎 七至九卷 著作佐郎 十至十

二卷 校書郎 十三至十五卷 校書郎 十六至十九卷 校書

郎胡 二十至二十二卷 校書郎 二十三至二十五卷 校書


即張
孝祥

二十六至二十九卷

正字
汪澈

三十至三十二卷并釋

音
正字
林
之奇



欽定四庫全書

史部

南宋館閣錄卷十六

詳校官太常寺少卿_臣陳桂森

編修_臣程嘉謨覆勛

謄錄監生_臣程廷璋

謄錄監生_臣俞光豫

謄錄監生_臣李承厚

謄錄監生_臣李兆文

欽定四庫全書

南宋館閣錄卷六

宋 陳騫 撰

故實

紹興臨幸 紹興十四年七月九日秘書少監游操等
上表請車駕幸秘書省詔學士院給降敕書所請宜允
二十七日車駕幸秘書省其日本省官吏并實錄院官
吏迎聖駕起居訖皇帝至道山堂御幄降輦後進食畢
催班右文殿下先知閤門官以下并內侍知省御帶修

注祇應官等面北立定報引宰臣使相樞密侍從正任
以上殿下相向立定并報引提舉秘書省官以下相向
立定皇帝坐先知閣門官以下并內侍知省御帶等宣
名奏萬福訖各歸侍立祇應位知閣門官殿上當頭奏
宣到太師魏國公秦檜以下次舍人分引太師以下宣
名奏萬福訖知閣門宣升殿再揖太師以下升省官以
下宣名奏萬福訖且立定候御藥降階以手詔授提舉
秘書省官詔曰益聞周建外史掌三皇五帝之書漢選

諸儒定九流七略之奏文德之盛後世推焉仰惟祖宗
肇開冊府凡累朝名世之士由是以興而一代致治之
原蓋出於此朕嘉與學士大夫共宏斯道迺一新史觀
親御榜題肆從望幸之誠以示右文之意嗚呼士習於
空言而不為有用之學久矣爾其勉修術業益勵猷為
一德一心以共赴亨嘉之會用丕承我祖宗之大訓顧
不善歟提舉秘書省官跪受訖提舉秘書省官以下兩
拜訖退皇帝起詣秘閣宣羣臣觀累朝御書御製書畫

古器等秘書少監以下官閣下侍立俟觀書訖先退赴右文殿立班定皇帝復位坐右文殿上御藥傳旨宣坐賜茶如儀分引太師以下并外赴坐官面殿揖躬兩拜訖分陞席後立定次分引秘書少監以下揖躬拜訖分陞兩廊席後立俟賜茶訖降階退班各兩拜退殿上御藥傳旨推恩改賜章服報引當殿謝恩兩拜訖退殿門外服所賜皇帝起歸幄更衣臣僚繫鞋從駕還內如來儀是日詔秘書省實錄院官各轉一官秘書少監仍賜

緋章服并御書扇監修國史提舉實錄院太師尚書左
僕射秦檜依昨監學成書體例推恩令學士院檢舉降
制又詔秘書省實錄院人吏及諸廳供檢文字天文官
三省樞密院供檢至諸色祇應如有官人與減一年磨
勘內未有名目人依國子監例賜錢六百貫文皆以幸

省恩也

見中興
會要

拜閣 紹興十四年五月七日秘書郎張闡言自來每
遇朝廷除授雜學士貼職官并館職官並合赴省參閣

見秘書省
聖旨簿

正旦冬至拜先聖團拜 是日設先聖顏子像於道山
堂中間省官序班堂上北向再拜長貳三上香在位者
復再拜禮畢團拜於堂上同年者各講私禮

詔館職言事 隆興二年七月三十日有旨政事不修
災異數見江浙水滂有害秋成朕自八月一日避殿減
膳思所以應天之實可會侍從臺諫卿監郎官館職疏
陳闕失及當今急務毋有所隱

見日
歷

看詳討論文字 隆興元年九月十八日臣僚言乞法
李唐之制委宰相兼領三司使職事有旨令秘書省討
論典故十二月二十八日有旨國朝廂禁軍制及神宗
添置將兵分營諸路州軍人數劄付秘書省討論乾道
二年四月二日臣僚言應賢良方正能直言極諫之科
乞令權於經史諸子正文出題其僻書注疏不得以為
問目淳熙元年二月二十五日知襄陽府趙善俊奏有
無出身人銜位不帶左右字有旨三省參照依祖宗舊

制施行劄付國史院討論七月十七日臣僚言按劾臣僚過犯事干刑名大則勘鞫小則具析參以詔條斟酌輕重行遣有旨令國史院討論典故二十三日有旨舊制宣徽使樞密院討論典故條具取旨劄付國史院討論十月二十一日有旨魏王愷改判明州令國史院討論典故二年閏九月十八日秘書省正字李廔奏舉景德六科有旨令秘書省同國子監太學官集議討論十月十二日有旨杭州童子王克勤令後省試令史院

檢點能文童子典故三年七月二十一日中書門下省
奏太史乃古羲和之職歷代沿革名秩不同國朝或以
他官兼判又有同判之名以朝官充掌所以重史官之
任今止置局令及五官正視古為輕有旨令秘書省討
論九月二十五日太府少卿韓元龍奏童子一科乞詔
有司立為中制下秘書省討論典故十月二十日有旨
皇初三代可依典故與封贈劄付國史院討論四年四
月十二日判明州魏王奏帶行江陵尹下國史院太常

寺斟酌事宜點照指定以憑遵守有旨令國史院太常寺討論十三日魏王奏江陵尹所有印記未審合與不合鑄造有旨令禮部國史院討論

賢良進士御試於殿門外祇候唱名日侍立 館閣錄舊制以每遇進士策賢良館閣官并赴殿門祇候給大官食法酒十瓶唱名日登殿侍立熙寧後只令殿門祇候元豐中判館閣官申請雖得入殿然只得立殿下紹興五年八月九日著作佐郎李公懋等言進士唱名自

政和以來閣門寢廢舊制令秘書省官立殿下非故事
欲乞復祖宗之典有旨除省試官外許依舊制殿上侍
立乾道四年試賢良唱名亦如進士唱名之制

御試應奉書籍 熙寧七年三月館閣言如遇殿試即
館閣供書入殿從之紹興二年權秘書少監王昂言御
試舉人其合用入殿供應書籍自來本省都監司排辦
本司行下國子監關借若不係監書依條不行取索

閣錄并秘書
省聖旨簿

節賜 日歷所會要所國史院歲旦冬節清明端午七夕重九各賜大龍茶一斤州酒四瓶

賜新茶 每歲五月宣賜大小鳳茶大龍茶各一斤

節物 本省元宵每位蓮花燈五盞毬燈三盞重午洪州扇二草蟲扇二歲除桃符門神各二副

赴宴 館閣錄淳化元年二月詔自今游宴宣召直館其集賢校理並令預會初李宗諤為集賢校理校理之職自興國後罕有任者會賞花後苑有司第令直館赴

會宗諤不得預翌日獻詩陳情遂許陪宴祖宗時每時序游幸皆賜宴飲或雨雪休應亦就崇文賜宴中興後惟天申節宴聞喜宴正字以上皆赴

大宴學士院具食 麟臺故事大宴未赴坐間學士院嘗為館閣官具食蓋祖宗時內外制官無不自三館館中之人往往前日僚友之舊道義之交不再以勢利高下為心故每於是日小集從容談笑也近時具食雖如故乃設於學士院門幕次內蓋未嘗見玉堂主人也今

天中節宴在貢院學士院設食猶如故

徠會 每省官初除例作徠會

過局 監修國史提舉實錄提舉編修國朝會要每月過局省閱所修書諸司送本所官酒各二瓶凡有初除官遇過局日本所帶送六瓶餘官四瓶

燕集 乾道九年五月羣玉亭成丞相齊國公虞允文燕館閣之士於新亭淳熙四年三月提舉實錄院叅知政事李彥穎監修國史龔茂良以進實錄前一日觀書

於道山堂會前修史官并館職置酒於著作之庭

暴書會 紹興十三年七月詔秘書省依麟臺故事每歲暴書會令臨安府排辦侍從臺諫正言以上及前館職貼職皆赴每歲降錢三百貫付臨安府排辦從知府王暎之請也二十九年閏六月詔歲賜錢一千貫付本省自行排辦三省堂厨送錢二百貫并品味生料前期臨安府差客將承受應辦長貳具劄請預坐官是日秘閣下設方桌列御書圖畫東壁第一行古器第二第三

行圖畫第四行名賢墨蹟西壁亦如之東南壁設祖宗御書西南壁亦如之御屏後設古器琴硯道山堂并後軒著庭皆設圖畫開經史子集庫續搜訪庫分吏人守視早食五品午會茶菓晚食七品分送書籍太平廣記春秋左氏傳各一部秘閣石渠碑二本不至者亦送兩浙轉運司計置碑石刊預會者名銜三十年玉堂宸翰石刻成翰林學士周麟之請即暴書會宣示仍分賜預會官詔從之

見中興會要并
秘書省聖旨簿

餞會 麟臺故事三館秘書陞遷外補者衆必釀會置酒集於僧舍以餞之其外補者或賦詩以贈其行祖宗盛時三館之士出局必相過從或集於名區僧舍飲酒

賦詩

不隸臺察 紹興元年四月本省記舊制不隸臺察從之

季點 紹興元年四月十四日詔秘書省所轄太史局等長貳丞郎輪季詣點內有係在禁中置局者前期報

皇城司

已上見秘書省聖旨簿

門禁 日歷所會要所國史院準敕輒入流三千里凡所見聞因而漏泄並當軍令凡投下文字及納貼子整會事節人並於所門外計會把門人轉入係整會文字如呼叫聽入國史院申明輒入本院及漏泄雖有斷罪未有告賞之法有旨立賞錢三百貫

火禁 紹興十四年秘書郎張闡言本省自來火禁並依皇城法遇有合用火燭去處守門親事官一名專掌

押火灑熄除官員直舍并厨司翰林司監門職級房存
留火燭遇官員上馬主管火燭親事官監視灑熄其餘
去處並不得存留有旨依

輪宿 紹興元年十一月詔秘書省依舊制日輪官一
員止宿遇請假驗實即輪以次官止宿長貳五日一次

點宿

已上見秘書
省聖旨簿

齒序 唐張說為集賢院大學士嘗宴集賢院故事官
重者先飲說曰吾聞儒以道相高不以官閥為先後大

帝時修史十九人長孫無忌以元舅每宴不肯先舉爵長安中詔修珠英當時學士亦不以品秩為限於是引觴同飲時服具有體至今館職序坐猶以年齒為差亦

燕公流風所及與

見麟臺故事

光館錢 乾道五年秘書少監周必大做翰林舊規光院錢參立監修提舉初至一百二十千遷轉一百千提舉秘書省初至一百千遷轉七十千初入館十千他官再兼史職同侍從修史初至二十千遷職轉官二十千

遷二府一百千本省遷職若轉官十千選人改官倍之
本省遷他職十五千遷侍從倍之本省別加兼職十千
遷官別加兼職同史館遷職若轉官十千修史侍從倍
之祖父母父母封叙二十千封至夫人者三十千以下
三館通用親族同官十五千異姓有服親十千知貢舉
五十千考試二十分之一奉使視職任輕重而定多寡
之數止於一百千錫賚二十分之一止於一百千生子
三十千陰補十五千子弟登科二十千一月之內兩遇

以上者止從一多

鐘規 省官入局已集會湯翰林司徐擊五聲會食檯
盤子徐擊五聲出局親事徐擊五聲不得非時叩擊庫
子輪次候出局收管入庫次早復設淳熙三年二月秘
書少監陳騏立

秘書省讀書 淳熙二年十月杭州童子王克勤令後
省召試十一月賜童子出身授從事郎秘書省讀書本
省申奏請給廳從既而吏兵部勘當除本身合得請給

外僱募兵士比正字減半

見秘書省
聖旨簿

朱黃墨

秘書省史院每上半年三館各分送供讐

校

夏臘藥

自提舉官以下等第分送秘書省日歷所國

史院皆依例夏大順五苓香薷三倍駐車桂苓香薷養
脾理中消暑水瓢冬蘇合鹿茸養脾理中嘉禾勻氣潤
補橘皮煎其品數改丸修合日稟議焉

欽定四庫全書

南宋館閣錄卷七

宋 陳騏 撰

官聯上

監修國史

紹興以後八人

呂頤浩

字元直濟南人畢漸榜進士出

身三年四月以左僕射兼

朱勝非

字藏一姑蘇人霍端友榜上舍及第三年十二月以右僕射兼按

宋史本傳作蔡州人

趙鼎

字元鎮解梁人蔡薏榜同進士出身五年二月以左僕射兼七年九月復以左

僕射

張浚

字德遠綿竹人嘉王榜進士出身五年二月以右僕射兼秦檜字會之江寧人何稟

榜進士出身八年十一月以右僕射兼射兼十一年六月以左僕射兼

沈該

字守約吳興人嘉王榜進士出

身二十六年以左僕射兼**湯思退**字進之括蒼人博學宏詞進士出

十年正月以左僕射兼**陳康伯**字長卿譙郡人何渙榜進士出身

宋史本傳作信州弋陽人宣和三年上舍丙科**隆興**以後一人**錢端禮**字

和餘抗人二年十一月賜同進士出身十二月以叅知政事權**乾道**以後五人**葉**

顥字子昂莆田人張九成榜同進士出身二年十二月以左僕射兼**陳俊卿**字應求莆

度榜進士及第治詩賦**虞允文**字彬甫仙井人張孝祥

五年八月以左僕射兼**曾懷**字欽道溫陵人八年二月賜同進士出身十二月以叅知政事權**鄭聞**

年二月以左丞相兼**淳熙**以後四人

字仲益開封人趙逵榜進士及第治書九年十月以叅知政事權

姚憲

字令則會稽人乾道八年八月賜同進士出身元年五月以叅知政事權葉衡字夢錫

王佐榜同進士出身元年六月以叅知政事權龔茂良字實之莆田人黃公度

年十一月以叅知政事權李彥穎字秀叔吳興人王佐榜進士及

叅知政事權李彥穎字秀叔吳興人王佐榜進士及

提舉國史紹興以後二人陳康伯字漢章長樂人沈晦榜進士

三朝國史三十一一年朱倬字漢章長樂人沈晦榜進士

三月為左僕射仍兼隆興以後二人史浩字直翁四明人劉

射提舉三朝國史張浚二年二月以右僕射提舉三朝國史

詩賦元年正月以右僕射提舉三朝國史魏杞字南夫壽

後六人虞允文元年三月以叅知政事權提舉三朝國史

之榜進士及第二年八月以蔣弋字子禮毗陵人趙遠
叅知政事權提舉三朝國史

四年二月以右僕陳俊卿字子禮毗陵人趙遠
射提舉四朝國史

子溫陵人進士及第治經義詩賦八年二月以右
丞相提舉國史院按宋史本傳作泉州晉江人

九年十月以右丞淳熙以後三人葉衡字元年十一月
相提舉國史院

舉國李彥穎字季海東陽人
史院政事權提舉國史院

身治禮記四年六月以叅
知政事權提舉國史院

提舉實錄院紹興以後三人秦檜字子幾兼
右僕射兼

侯高字元中開封人莫儔榜進士及
第二十六年五月以右僕射兼湯思退字
二十七

僕射

乾道以後四人

魏杞

二年十二月以參知政事權是月為右僕射仍

兼

蔣芾

四年二月以右僕射兼

梁克家

八年二月以右丞相兼

曾懷

九年十月以右

丞相

淳熙以後二人

葉衡

元年十一月以右丞相兼

李彥穎

二年

閏九月以參知政事權

提舉編類聖政

紹興三十二年九月詔敕令所改為編類聖政所以右僕射陳康伯提舉參知

政事史浩同提舉隆興元年七月併歸日歷所就監修國史提舉

隆興以後三人

陳康伯

元年七月以左僕射兼

湯思退

二年正月以左僕射兼

陳康伯

二年閏十

一月復以左僕射兼

乾道以後二人

虞允文

元年三月以參知政事權蔣

帝

二年九月以兼
參知政事權

提舉秘書省

紹興以後二人

秦熹

字伯陽江寧人
陳誠之榜進士

及第治詩賦十四年七月以禮部侍
郎兼二十五年十月以少師致仕

孟忠厚

字仁仲開
封人二十

七年二月以少師萬壽觀
使兼四月除太保致仕

監 淳熙以後三人

莫濟

字子齊吳興人劉章榜進
士及第治詩賦經義二年

三月除九月
知寧國府

李燾

字仁甫眉山黃公度榜進士出身
治春秋三年正月除三月為權禮部

侍 陳騏

三年十一月除五年
九月為中書舍人

少監 建炎以後二人

林邇

二年九月除十
月為起居郎

方閭

字彥

和新定人霍端友榜二年十月除
三年五月除秘閣修撰知台州

紹興以後四十人

程俱

字致道三衢人元年三

傅崧卿

字子駿會稽人何臬榜進士及

第元年十月除二年閏四月為徽猷閣待制都督府參
議官 按此下脫權秘書少監王昂一條見前儲藏故

實二

方閻

二年八月再除十
月為起居舍人

洪炎

字玉甫豫章人畢漸
榜進士出身二年十

月除三年正月
為中書舍人

孫近

字叔詣毗陵人霍端友榜同進士
出身三年二月除五月為起居郎

曾統

字元中建昌人二年十一月以左司員外郎
賜進士出身三年五月除八月為起居郎

劉岑

字季高吳興人沈晦榜進士出身三
年八月除四年二月為權刑部侍郎

劉大中

字立道儀
真人賈安

宅榜上舍出身四年三
月除九月為起居舍人

魏矸

字邦達歷陽人何渙榜上
舍出身四年十二月除五

年二月除直龍圖閣知泉州

朱震

字子發荆門人何稟榜進士出任

申先

字世初眉山人五年五月以禮部員外郎

潘良貴

字子賤東陽人何稟榜進士及第

吳表臣

字正仲永嘉人賈安宅榜

上舍出身治周禮六年正

蘇符

字仲虎眉山人五年十月除九月除太常少卿

勲員外郎七年四月除

尹焯

字彥明河南人以和靖處

八年正月為太常少卿

何掄

字掄仲青城人何渙榜上舍及第

州**劉一止**

字行簡吳興人何渙榜同進士出

王次翁

曾濟南人霍端友榜進士出身治易

鄭剛中

字亨仲東陽人

年十二月除九年二月為起居舍人

張九成榜進士及第治詩賦九
年二月除十一月除禮部侍郎
張宦字養正毗陵人賈

十年五月除八月除十二月為
月為起居郎
朱翌字新仲龍舒人嘉王榜同上舍出

起居舍人
秦梓字楚材江寧人沈晦榜同進士出身治詩十
一年十二月除十二年四月為敷文閣侍制

提舉萬壽觀兼侍讀
秦熿十二年九月自秘書郎除十
三年五月為權禮部侍郎
姜師仲字

之新定人賈安宅榜同進士出
身治詩十三年六月除八月罷
游操字存誠建安人何

治易十四年五月除十六
年正月為權禮部侍郎
張杞字南卿鄱陽人沈晦榜

年十月除十九年
四月為太常少卿
湯思退十九年四月除二十一
年四月為起居舍人
林機

字景度長樂人劉章榜進士及第治書二十一年六
月以禮部員外郎兼權二十二年六月為起居舍人
丁

婁明

字如晦毗陵人黃公度榜同進士出身治書二十四年十一月自著作佐郎除二十五年八月為權

工部侍郎

楊椿

字元老眉山人沈晦榜進士出身治書二十四年四月除八月為權兵部侍郎

沈介

字德和吳興人黃公度榜同進士出身治書二十四年九月以司勳員外郎兼權二十八年八月除二十九

年三月為權吏部侍郎

楊傑

字子寬開封府人劉章榜進士出身治書二十四年正月除二月為宗

正少

劉章

字文儒三衢人進士及第治禮記二十七年二月除九月為起居郎

曾幾

字吉甫

州人政和五年因銓試優等第一人賜上舍出身治書二十七年十月除二十八年七月為權禮部侍郎

中

字通老邵武人汪應辰榜進士及第治禮部侍郎

年閏六月除九月除直龍圖閣知洪州

汪應辰

字聖錫上饒人

進士及第治書三十年正月除劉琪字共甫建安人陳

三十一年正月為權吏部侍郎陳之淵字宗卿毗陵人

治詩賦三十一年正月以吏部陳崇字德

員外郎兼權六月為起居舍人隆興以後二人

出身治春秋兼詩賦三十一年六月為起居舍人隆興以後二人

外郎兼權八月除三十二年九月為起居舍人隆興以後二人

名毗陵人張九成榜進士及第治春隆興以後二人

秋三十二年九月除十二月致仕隆興以後二人

胡銓

字邦衡廬陵人李易榜進士及第治

美普康人張九成榜同進士出身治書元年四月以禮

部員外郎兼權二年四月除乾道元年三月為權兵部

侍郎乾道以後六人 **王淮**字特與外任 **陳巖肖**字

象東陽人紹興八年博學宏詞同進士出 **汪大猷**字仲

明人劉章榜進士及第治詩賦二年六月除五年四月為刑部侍郎李燾五年四月除六年六月除直顯

謨閣荆湖北路轉運副使周必大字子充廬陵人趙遠榜進士出身

權禮部侍郎陳騏字叔進天台人張孝祥榜進士出身淳治禮記九年正月除十月知贛州

熙以後二人程大昌字泰之新安人趙遠榜進士出身治書二年四月除三年二月

為權刑部侍郎按標目稱二人則此下顯有脫漏查前故實門載三年二月秘書少監陳騏年月與此相合

附以備考

丞建炎以後二人王綰字國器廬江人賈安宅榜進士出身二年六月除八年

月為考功唐棣字彥思毗陵人何臬榜同進士出身員外郎二年九月除三年五月知邵武軍

紹興以後二十六人

李元淪

字冲之毗陵人莫儔榜同上舍出身元年六月

除七月通判湖州

劉大中

元年九月除十二月為吏部員外郎

李藹

字吉老睢陽人沈晦榜同

進士出身二年正月除八月為監察御史

魏矸

二年八月除三年二月為考功員外郎

陳昂

字原

長樂人何臬榜上舍及第三年二月除十月為都官員外郎

環中

字應之淮陽人莫儔榜同上舍出身

治周禮三年十二月除五年六月知臨江軍

陸時雍

字堯夫新定人何渙榜上舍出身治周禮五年

七月除七年七月通判湖州

王迎

字原闕郡人畢漸榜同進士出身治詩賦兼詩七年八月除八年

四月知南劍州

譚知柔

字原闕丹陽人莫儔榜同進士出身治書八年四月除八月為刑部員外郎

陳淵

字幾叟劍浦人八年八月以爭臣姪孫賜進士出身除九年五月為監察御史按宋史本傳作字

知劉才印

字美中廬陵人實安宅榜上舍及第治易

楊

愿

字原仲山陽人張九成榜進士出身治

錢時敏

字端修江

寧人莫儔榜同上舍出身治詩十年閏六月除十一年七月為駕部員外郎

孫汝翼

字端朝毗陵人

李易榜同進士出身治書十一年七月除十二年正月罷

嚴抑

字德隅吳興人李易榜進士及第治書十

三年二月除十四年三月為吏部員外郎此下二十年九月脫丁妻明一條見撰述門內

鄭時中

字德亨三衢人張孝祥榜進士及第治詩賦二

樊光遠

十四年十一月除二十五年二月為秘書郎

張洙

字子源括蒼人張九

書二十六年正月除二月為監察御史

楊邦弼

字良佐建安人陳誠之榜

成榜進士出身治詩賦二十六年八月除十二月為吏部員外郎

進士及第治詩賦二十七年三月除七月為著作佐郎

羅孝芬

字原闕岳陽人何漢榜上舍及第治

書二十七年七月除十二月除直秘閣湖北運判

虞允文

二十八年十月除二月十九年八月為吏部

員外郎

劉琪

二十九十二月除三十四年四月為吏部員外郎

杜莘老

字起莘眉山陳誠

之榜進士出身治詩賦三十年四月除三十一三月為監察御史

按宋史本傳作以親老不赴廷對賜同

進士

劉儀鳳

三十一年七月除三十二年五月為禮部員外郎

鄭聞

三十二年六月除十

一月為吏部員外郎

唐閱

字進道會稽人陳誠之榜進士出身治詩賦三十二年十一月除隆興二年十

月為都官員外郎

隆興以後一人

單時

字行可毗陵人沈晦榜同進士出身

治詩賦二年十月除乾道元年三月為監察御史

乾道以後十二人

鄭升

之

字公明三衛人王十朋榜同進士出身治書二年二月除九月罷

劉貢

字汝翁永嘉人陳誠之榜

進士出身治詩賦三年三月除九月為監察御史

汪若思

字行父新安人陳誠之榜進士出身治詩

賦四年正月除是月丁憂

劉季裴

字少度開封人王佐榜進士出身治詩賦四年六月除十二月為著

作佐

唐孚

字原綱毗陵人陳誠之榜進士及第治易四年十二月除六年六月致仕

李處全

字粹伯彭城人梁克家榜進士出身治春秋詩賦六年七月除九月為殿中侍御史

潘慈明

字伯龍東

陽人趙遠榜進士出身治詩賦七年三月除是月主管台州崇道觀

尤袞

字延之毗陵人王佐榜進士出

身治詩賦七年五月除八年五月為著作郎

崔淵

字子霖仙井人蕭國梁榜進士出身治詩賦八年五

月除十月知利州

薛元鼎

字叔云莆田人梁克家榜進士出身治詩賦書義八年十月除九年四月

為軍器少監 **楊恂** 字信伯上饒人梁克家榜進士及第治陳

居仁 字安行莆田人趙遠榜進士出身治詩 淳熙以

後五人 **湯邦彥** 字朝美丹陽人博學宏詞傳伯壽榜

起居舍人 **錢俟** 字維大姑蘇人趙遠榜進士及第治詩 史彌

大 字云叔四明人鄭僑榜進士出身治禮 **施師點** 字聖

饒人王十朋榜進士出身治書四 **素說友** 字起巖建安

進士出身治易四年七月除五年 閏六月添差浙西安撫司叅議官

著作郎 **紹興以後十三人** **虞澐** 字季澤餘杭人何

年正月除五月
為禮部員外郎
張九成
字子韶餘杭人進士及第治書

浙東
提刑**何掄**
七年三月除八月為少監
張嶠
字巨山江陵人何渙榜

七月除八年九月為福建路轉運
判官按宋史本傳作上舍中第
胡程
字德輝毗陵人

出身治易八年九月除九
年三月為禮部員外郎
王揚英
字紹祖丹陽人沈晦

記十二年三月除十三
年五月為吏部員外郎
周執羔
字表卿上饒人沈晦榜

年三月除十三年二
月為吏部員外郎
錢周材
字元英江寧人李易榜進

除八月為
起居舍人**趙衛**
字翰臣二源人沈晦榜同進士出身
趙

逵
字莊叔資中人進士及第治春秋
二十六年八月除是月為起居郎
周麟之
字茂振江

榜進士出身治春秋二十六
年八月除是月為起居舍人
陳俊卿 二十八年七月除

司勳員外郎 按標目載十三人此
下脫楊邦弼一條見著作佐郎銜內

乾道以後五人

趙雄

字温叔資中人木待問榜進士及第治
春秋六年閏五月除六月為起居舍人

林光朝

字謙之莆田人木待問榜進士及第治詩
賦七年七月除八年五月為國子司業

九袞

八年五月除九

年十月
知台州

蕭國梁

字挺之長樂人進士及第治詩
賦九年三月除十二月知泉州

木待問

字蘊之永嘉人進士及第治易九
年十二月除淳熙二年四月丁憂

淳熙以後八人

楊恂

二年八月除三年
九月為浙東提舉

鄭僑

字憲叔莆田人進士及第
治詩賦二年八月除三年

正月為江
西提舉

錢俛

三年六月除四年
正月為將作少監

傅伯壽

字景仁河陽
人木待問榜

進士出身治詩賦三年

何萬

字一之長樂人木待問榜進士及第治易兼詩賦四

年正月除是

許蒼舒

字子齊京口人木待問榜同進士年六月罷出身治書四年七月除九月主

台州崇道觀

李屋

字仲信眉山人制科出身

木待問

四年十一月除

六年二月為起居舍人
錄載五年三月除與此不合 按續

秘書郎

紹興以後二十七人

林季仲

字懿成永嘉人何渙榜上

舍出身治周禮四年六月除

張宦

五年八月除六年四月知漳州

張戒

字定夫絳郡人沈晦榜進士出身治書五年十二月除七年七月提舉福建茶鹽

蕭振

字德起永嘉人

嘉王榜上舍及第治詩六年五月除是月為監察御史

高儼

字原闕大名人士出身治書

六年六月除七年正月為駕部員外郎
張嶼 七年三月除七月為著作郎
按宋史本傳作七年遷校

書郎
李良臣 字克俞綿竹人何鼎榜上舍及第治書
七年七月除八年三月為工部員外郎
尹焯

七年閏十月除八年正月為少監
錢秉之 字源開封人嘉王榜同上
舍出身治易八年三月除十

一月為戶部員外郎
錢觀復 字知元姑蘇人何鼎榜上舍及第治
易八年三月除六月為戶部員外郎

何鑄 字伯壽餘杭人何鼎榜上舍出身治書
八年六月除九年五月為監察御史
王利用 字賓

王潼川人何渙榜上舍及第治易八年十二月除九年二月為監察御史
朱敦儒 字希真河南人汪應

辰榜同進士出身治詩九年四月除五月為都官員外郎
按宋史本傳作賜進士出身
李百藥 字去

病懷安人蔡蕤榜同進士出身治詩賦
鄭轂 字致遠長樂人嘉王
九年五月除十年五月為駕部員外郎

榜上舍出身治詩九年十月
除十年閏六月知臨江軍
吳傳字源東陽人何漢

十年五月除十一月
月為監察御史
周執羔字年七月除十二月
李益字中姑

蘇人嘉王榜上舍出身治書十年十一月
二月除十一年十一月為監察御史
張漢彥字墨卿臨

榜上舍出身治周禮十一年十二月
月除十三年二月為戶部員外郎
秦熿字九月為少監

范雎字伯遠姑蘇人沈晦榜進士及第
治易十三年二月除六月致仕
張闡字大猷永

榜進士出身治書十三年
二月除十四年十月罷
陳誠之字景明長樂人進士

正月除四月為
祠部員外郎
鄭時中字五月通判廣德軍
唐文若字夫眉

山人川陝類省試黃貢榜治詩賦二十六
年十一月除二十七年六月為起居郎
王佐字宣子

進士及第治書二十七年七月除
二十八年七月為吏部員外郎
除三十年四月

史浩

二十九

為司封
員外郎

隆興以後一人

張宋卿

字恭父龍川人王
十朋榜進士出身

治春秋二年閏十一月除乾
道元年六月為廣西提舉

乾道以後十人

沈洵

字子直儀真人趙遠榜進士出身
治書二年四月除十一月致仕

李木

字子茂吳興人
趙遠榜進士出

身治書復治詩賦三年七
月除六年六月知江州

張淵

字叔潛長樂人木待問
榜治詩賦六年閏五月

除十二
月罷

陳騏

六年六月除八年
五月為將作監

許克昌

字紹祖襄邑人
梁克家榜進士

及第治詩賦書義六年十二
月除七年五月為右正言

蕭國梁

七年七月除九年
三月為著作郎

趙粹中

字叔遠高密人張孝祥榜進士出身
治詩賦九年正月除五月為起居郎

趙師誄

字

道玉牒張孝祥榜進士出身治書

九年三月除五月為起居舍人

王卿月 字清叔開封人鄭僑榜進士

士及第治書九年六月除淳熙元年七月為起居舍人

王公衮

字吉老會稽人張孝祥榜進士出身

治書九年六月除淳熙二年八月為著作佐郎

淳熙以後七人

賈偉 字奇天

台人王十朋榜進士出身治詩賦元年八月除十二月罷

吳飛英

字德華括蒼人王十朋榜進士及第

治詩賦元年十二月除二年二月為將作少監

何萬

二年二月除三年正月為著作佐郎

蔣繼周

字世修括蒼人張孝祥榜進士出身治禮記二年閏九月除四年三月丁憂

呂祖謙

字伯恭開封人

木待問榜進士及第治書三年十一月除 按標目載七人此僅列五人顯有脫漏查校書郎銜內有黃定一條以四年六月除秘書

郎餘一人仍無可考

著作佐郎 建炎以後三人

上官愔

字仲雍儀真人莫儔榜進士出

身二年六月除三年五月為吏部員外郎

富直柔

字季申河南人靖康二年賜進士出身二年九月除

三年五月為禮部員外郎

程俱

二年十一月除三年五月為吏部員外郎

紹興以後三

十五人

孔端朝

字國正聖裔宣和四年幸學釋褐賜上舍出身二年十二月除三年六月

為都官員外郎仍兼權

洪興祖

字慶善丹陽人嘉王榜上舍出身三年正月除五月為駕部員外郎

郭孝友

字次仲廬陵人何奩榜進士及第四年四月以禮部員外郎兼權五年閏二月為廣西提刑

熊彥詩

字叔雅鄱陽人沈晦榜進士及第治張九成五年書五年二月除三月提舉浙東茶鹽

六月除六年三月為著作郎

李公懋

字子勉南康人李易榜進士出身治周禮五年七月除六年四月

月為江
西提舉

王蘋

字信伯長樂人四年十二月賜進士出
身六年三月除七年正月通判常州

勾

龍如淵

字行甫永嘉人嘉王榜上舍出身治書六年四
月除七年正月為祠部員外郎按宋史本傳

作永康軍
導江人

高閔

字抑崇四明人太學元豐法上舍治書
七年閏十月除八年三月為祠部員外

郎
李彌正

字似表長樂人祖秀實榜上舍及第治易
七年十一月除八年三月為都官員外郎

胡

理

八年三月除九
月為著作郎

朱松

字喬年新安人嘉王榜同上舍
出身治周禮八年三月除四月

為度支
員外郎

凌景夏

字季文餘杭人張九成榜進士出身治
書八年九月除十年四月為刑部員外

郎
張擴

字彥實鄱陽人蔡薊榜進士及第治禮記
八年十一月除九年五月為祠部員外郎

王楊

英

十年四月除十二
年三月為著作郎

鄧名世

字元亞臨川人四年三月
以草澤上殿賜同進士出

身十年五月除
十一年九月罷
錢周材 十三年二月除
十五年正月為著作郎
趙衛 十三年

月除十五年正
月為著作郎
王墨卿 字子墨
嘉人陳誠之榜同進
士出身治詩賦十五年四月除

十八年七月
為起居舍人
魏元若 字源
江寧人陳誠之榜進士出
身治詩賦十五年四月除十六年

十月
致仕
劉章 十八年八月除
十九年十二月罷
林機 十八年八月除
二十年二月為禮部員

外郎
丁婁明 二十一年五月除
二十四年十一月為少監
趙遠 二十五年十二
月除二十六年

八月為
著作郎
周麟之 二十五年十二月除
二十六年八月為著作郎
黃中 二十六年
八月除二十

十七年六月為
司封員外郎
王剛中 字時亨
鄱陽人劉章榜進士及
第治詩賦二十六年八月除二

十七年六月
為起居舍人
陳俊卿 二十七年七月除
二十八年七月為著作郎
楊邦弼 二十

七年七月除二十八
年七月為著作郎

陳之茂

字阜卿毗陵人張九成榜
同進士出身治春秋三十

年四月除八月
除監察御史

王十朋

字龜齡永嘉人進士及第治春
秋三十年十二月除三十一年

五月知大宗正丞
除著作郎三十一年遷大宗正丞

按宋史本傳作

張震

字真甫餘竹
人趙遠榜進

士及第治周禮三十一
三十二年四月為殿中侍御史

程大昌

三十二年七
月除九月為

駕部員
外郎

蔣芾

三十二年九月除十
二月為司封員外郎

龔茂良

三十二年十
一月除隆興

二年三月為
吏部員外郎

隆興以後三人

梁克家

二年四月除
乾道元年正

月為吏部
員外郎

劉夙

字賓之莆田人趙遠榜進士及第治詩
賦二年四月除九月為荆湖北路安撫

司叅
議官

王東里

字喬卿括蒼人王佐榜同進士出身治書
二年十月除乾道元年二月知太平州

乾道以後十九人

莫濟

元年三月除九月
為禮部員外郎

張恪字季

武三衢人王佐榜進士出身
治詩元年三月除九月致仕

黃石

字圯老永嘉人黃公
度榜同進士出身治

詩元年十一月除二年
十月為司封員外郎

范成大

字致能姑蘇人張孝祥
榜同進士出身治詩元

年十一月除二年
月為吏部員外郎

黃鈞

字仲秉綿竹人張孝祥榜同
進士出身治詩二年六月除

三年五月為
起居舍人

鄭伯熊

字景望永嘉人劉章榜進士出身
治詩兼經義三年六月除四年六

月為吏部
員外郎

李遠

字器之毗陵人王十朋榜進士出身治
詩四年四月除五年十二月為福建安

撫司叅
議官

劉季裴

四年十二月除五年
三月為監察御史

施元之

字德初吳
興人張孝

祥榜同進士出身治詩五年
六月除十月為起居舍人

負興宗

字顯道成都人王
十朋榜同進士出

身治書五年十一月除六年六月主管台州崇道觀

詹亢宗

字源綱會稽人王佐榜同進士出身治書

五年十二月除六年六月知處州

劉焯

字文潛成都人趙遠榜進士及第治春秋六年六月除七年三

月為國子司業 按此下脫

趙汝愚

字子直玉牒蕭國林光朝一條見正字銜內

詩賦七年七月除八年五月知信州

王希呂

字仲行符離人鄭僑

按宋史本傳作遷著作郎知信州

丁時發

字子章海陵人梁克家榜進士及第治書

榜同進士出身治詩七年八月除九月為右正言

兼詩賦八年五月除九年四月為將作監

唐仲友

字與政東陽人張孝祥榜進士出身治詩八年五月

除八月知信州

木待問

九年二月除十年二月為著作郎

楊恂

九年七月除淳熙二年八月為著作

鄭僑

九年十二月除淳熙二年八月為著作郎

淳熙以後六人

王公

衮

二年八月除十
二月知衢州

傅伯壽

二年八月除三年
九月為著作郎

蓋經

字德常開

封人梁克家榜進士及第治詩賦二年十一月除三年正月為司農寺丞兼權戶部郎官淮西江東總領何

萬

三年正月除四年正月為著作郎

李垕

三年九月除四年七月為著作郎

鄭鑑

字自明長

樂人上舍兩優釋褐四年正月除五年四月為著作郎

欽定四庫全書

卷七

欽定四庫全書

南宋館閣錄卷八

宋 陳騏 撰

官聯下

校書郎 建炎以後八人

傅宿

靖康元年十月除二年正月為吏部員外

郎

上官愔

二年二月除六月為著作佐郎

張擴

二年三月除

富直柔

二年四月除九月

月為著王覺

字二源闕魯郡人舉漸榜進士出身二年九月除

毛敏

字伯穎漢嘉人二年九月

除三年五月知仙井監

費肅

字懋恭毗陵人費安宅榜進士出身二年九月除

吳安國

二年

十月除三年五月知處州

紹興以後六十五人

劉一止

元年六月除十月

月為監林待聘字少伊永嘉人何臬榜上舍及第元王

察御史林待聘字少伊永嘉人何臬榜上舍及第元王

洋字元渤山陽人沈晦榜進士及第林叔豹字德惠永嘉人沈晦

榜同進士出身二年正舒清國字源闢三衢人嘉王榜

月除六月為監察御史舒清國字源闢三衢人嘉王榜

十二月為禮許搏字公執莆田人太學元豐法中等上

部員外郎許搏字公執莆田人太學元豐法中等上

閏二月為張絢字彥素丹陽人沈晦榜進士出身治

監察御史張絢字彥素丹陽人沈晦榜進士出身治

公懋五年正月除七月為著作佐郎勾龍如淵六年三月除四月高閱

二月除閏十月施廷臣字揚休成都人何渙榜上舍出

為著作佐郎施廷臣字揚休成都人何渙榜上舍出

監察朱松七年八月除八年胡珵七年閏十月除八年

御史朱松七年八月除八年胡珵七年閏十月除八年

御史朱松七年八月除八年胡珵七年閏十月除八年

羅孝芬

七年閏十月除十二
月提舉湖南茶鹽

鄧名世

七年十一月除十
年五月為著作佐

郎

許忻

字子禮襄陵人何渙榜上舍出身治詩
八年三月除九年七月為吏部員外郎
宋之才

字

廷佐永嘉人嘉王榜上舍出身八年三月除四月
徐

丁

憂十一年八月再除十二年十月為考功員外郎

度

字敦立睢陽人特賜進士出身治春
秋八年四月除是月除都官員外郎
孫道夫
眉山太冲人

元

豐法上舍免省同進士出身治
周禮八年五月除六月知懷安軍
李經
字叔易邵武人

身

治周禮八年八月
楊椿
八年十月除十年五
除九年六月致仕
月為屯田員外郎
邵博
字公

濟

河南人八年十月因上殿賜同進士
出身是年十月除九年五月知果州
朱翌
九年十月

月

為祠部
范如圭
字伯達荆門人李易榜進士及第治
春秋九年十月除十年九月主管台

員

外郎

州崇道觀按宋史高布字宣之濟陰人沈晦榜進士

本傳作建州建陽人出身治詩十年十二月除十

一年九月為湖南安撫司參議官盧奎字強立邵武人莫儔榜進士出

解官程敦厚字子山眉山人汪應辰榜同進士出身治

追服王璧字炳文四明人沈晦榜進士出身治書十

外郎之淵十一年十二月除嚴抑十一年十二月除張闡

十二年三月除何若字任叟江寧人沈晦榜進士

年二月為秘書郎察御史勾龍庭實字君貺綿竹人莫儔榜上舍出身治

戶部員錢周材十二年三月除趙衛十二年三月

外郎除十三年二月

月為著范雎十二年十一月除十陳誠之十三年六月

作佐郎三年二月為秘書郎月為秘沈介十五年正月除十七年劉章十六年十月

書郎五月為司勳員外郎月為著葛立方字常之江陰人黃公度榜同進士出身

作佐郎治書十九年六月除二十一年六月為考功員孫仲鼈字道山永嘉人汪應辰榜同進士出身

外郎治詩賦十九年六月除二十一年六月為司勳王佐二十一年五月除二董德元字體仁廬陵

員外郎二十一年十一月罷士出身治詩賦二十一年八月趙逵二十五年二月除

除二十四年二月為監察御史十二月為著作佐郎樓材字公時毗陵人張九成榜進士及第治書二十

六年正月除六月為江南東路安撫司參議官黃中二十六年三月除王剛中二十六年六月除季南

壽

字元衡括蒼人汪應辰榜進士出身治詩賦二十六年八月除二十八年正月為考功員外郎陳祖

言

字文仲毗陵人張九成榜進士及第治詩二十六年九月除二十七年九月為比部員外郎陳俊

卿

二十七七月正月除胡沂字周伯會稽人汪應辰榜進士及第治詩賦二十七年二月

月

除二十八八月七月葉謙亨字伯益括蒼人王佐榜進士及第治詩賦二十七年二月

為

吏部員外郎張孝祥字安國歷陽人進士及第治詩賦二十七年二月除二十

禮

部員外郎汪澈字明遠鄱陽人黃公度榜進士出身治春秋二十八八月正月除二十九

察

御史洪邁字景盧鄱陽人湯思退榜博學宏詞同進士出身二十八三月除二十九

部

員外郎王淮字元禮二十八八月九月除三十任質言字元禮眉山

汪應辰榜進士出身治詩賦二十八
年九月除二十九年閏六月致仕
林之奇 字少穎長樂人趙遠

榜進士出身治書二十九年
六月除八月知大宗正丞
魏志 字幾道姑蕪人程一止榜升補太學上舍

四年同進士出身治易二十九年
月除三十年四月為祠部員外郎
陳之茂 二十九閏六月除

三十年四月
王十朋 三十年二月除十二月為著作佐郎按宋史本傳作召為秘書郎

馮方 字元仲二源闕人劉章榜進士及第治書三十一年四月除三十二年正月為吏部員外郎
劉度

字汝一吳興人劉章榜進士出身治詩賦
三十二年四月除是月為都官員外郎
蔣蒂 三十二年七月

除九月為
龔茂良 三十二年七月除十一月為著作佐郎
隆興以後六

人
閻安中 字惠夫臨邛人王十朋榜進士及第治易元年五月除是月為監察御史
梁克

家

元年七月除二年四月為著作佐郎

王東里

元年七月除二年十月為著作佐郎

莫濟

二年

四月除乾道元年三月為著作佐郎

莫冲

字子中開封人王佐榜同進士出身治書二年十月除乾道元年

年二月知饒州戴達先

字子善毗陵人張孝祥榜進士出身治書二年十月除乾道元年十二月知池

州

乾道以後二十人

鄭升之

元年三月除二年二月為丞

范成

大

元年三月除十一月為著作佐郎

張恪

元年三月除是月為著作佐郎

黃石

元年九月除十

一月為著作佐郎

胡元質

字長文姑蘓人王佐榜同進士及第治詩賦二年三月除十一月為禮部

員外郎

梁介

字子輔唐安人王十朋榜進士及第治春秋二年三月除六月知彭州

王銜

字夷

仲天台人王十朋榜進士及第治詩賦二年六月除十二月主管崇道觀

施師點

二年十一月除三年

五月李遠三年七月除四年范端臣字元卿東陽人張

治詩賦三年七月關耆孫字壽卿零陵人王佐榜進士

除四年七月罷簡州負興宗四年十一月為著作佐郎詹亢宗四年十一月

月為著作劉焯四年十一月為著作佐郎楊興宗字似之長樂

進士及第治書五年十二月蕭國梁五年十二月為秘書郎趙

汝愚六年六月除七年丁時發七年七月除八年木待

問八年五月除九年鄭僑八年十月除九年淳熙

以後十一人 蔣繼周元年正月除二年林杲字子方

趙遠榜進士出身治禮記元
年六月除二年六月知信州
史彌大元年六月除三年
石

起宗

字似之溫陵人鄭僑榜進士及第治詩賦
二年九月除五年七月添差漳州通判
黃定三年

閏九月除四年
六月為秘書郎李堂三年正月除九
月為著作佐郎許蒼舒三年二月
除四年七

月為著作鄭鑑三年七月除四年
作郎鄭鑑正月為著作佐郎胡晋臣
字子遠唐安人
王十朋榜同進

士出身治詩賦四年三月
除五年四月為著作佐郎何澹
字自然括蒼人蕭國梁
榜進士出身治書四年

六月除五年
五月丁父憂葉山
字子山縉雲人梁克家榜進士出身
治詩四年十一月除五年五月丁父

憂

正字 建炎以後三人 富直柔
元年六月除二年
四月為校書郎 馮

檄字濟川廣漢人嘉王榜進士出身元
李長民字元叔廣陵人

宣和元年博學宏詞二年二
月除三年五月監南嶽廟
紹興以後八十二人

王洋元年六月除二年
林叔豹元年十二月除二
年正月為校書郎
徐林

字穉山建安人何東榜同上舍出身
洪興祖二年十二月除三年

正月為著
孔端朝二年十二月除是
陳祖言三年七月
作佐郎
月為著作佐郎
除十月罷

張絢三年十二月除四
朱松四年三月除
范寅賓字元
年三月為校書郎
九月丁憂
觀淮

安人張九成榜進士及第治詩
張晨字源關達州人何
賦四年三月除九月通判潭州
舉榜上舍出身治

易四年五月除十
李公懋四年六月除五年
王蘋四年
月為工部員外郎
正月為校書郎
十二年

月除六年三月
為著作佐郎
喻樛字子才
新定人
李易榜進士
出身
治書五年二月
除六年七月
丁憂

李彌正
五年二月
除七年十月
高閎
五年二月
除七年
鄧

名世
五年二月
除七月
丁憂
胡瑄
閏十月
為校書郎
張嶠
五年八月

年三月
為秘書郎
石公揆
字道任
會稽人
莫儔榜上舍
出身
治

史李誼
字宜言
豫章人
沈晦榜進士
出身
治詩
宋之才

五年十月
除八年
徐度
五年十月
除八年
孫雄飛
字翬

三月
為校書郎
插人張九成
榜進士
出身
治朱敦儒
五年十二月
除七年

府凌景夏
六年正月
除八年
孫道夫
六年正月
除八年
之姑

九月
為著作佐郎

黃衡

字平國建安人李易榜進士出身治禮
記六年四月除八年十月通判邵武軍
范如圭年六

十月除九年十

常明

字用晦眉山人沈晦榜進士出身
治書七年八月除九年十月致仕

汪應辰

八年四月除九年
五月通判建州

溫革

字叔皮溫陵人何東榜
上舍出身治易八年五

月除十年十

高布

八年九月除十年
十二月為校書郎
樊光遠年八月

月為閩州教授

朱翌

八年十月除九年
十月為校書郎
王璧年八月除十一

郎陳之淵

十年三月除十一年
十二月為校書郎
嚴抑年十二月為校書

郎張闡

十年閏六月除十二
年三月為校書郎
何若年三月為校書郎
方

雲翼

字景南永嘉人沈晦榜進士出身
治易十年九月除十二年二月罷
何逢原字希深
永嘉人

汪應辰榜進士及第治詩賦十年十二月除十一
年五月丁憂十四年五月再除七月通判池州 范雲

十一年八月除十二
年十一月為校書郎 洪遵 字景巖都陽人十二年博學
宏詞進士出身五月除十三

年九月通判常州二十五
年六月再除十一月丁憂 吳芾 字明可天台人張九成
榜進士出身治詩賦十

二年十一月除十四
年七月通判處州 陳誠之 十三年二月除
六月為校書郎 洪适 字景

陽人十二年博學宏詞同進士出
身十三年二月除九月通判台州 游操 十三年二月除
四月為監察御

史潘良能 字材倚東陽人汪應辰榜進士出身治
詩賦十三年二月除九月通判江州 沈介

十三年二月除十五
年正月為校書郎 黃公度 字師憲莆田人進士及第
治詩賦十五年正月除十

罷 一月 王曦 字日嚴廣陵人博學宏詞科進士出身十
五年四月除十六年正月為禮部員外郎 湯

思退

十五年四月除十七年五月為司封員外郎

劉章

十五年十月除十六年十月為校書郎

張本

字立道澄江人十二年賜同進士出身十六年四月除十七年六月罷

葛立方

十七年六月

月除十九年六月為校書郎

孫仲鼈

十七年六月除十九年六月為校書郎

周麟之

二十

一年十月除二十五年九月罷

張震

二十五年十月除二十六年八月通判荆南府

胡沂

二十

十二月除二十七

葉謙亨

二十五年十二月除二十七年二月為校書郎

張孝

祥 二十六年正月除二十七年二月為校書郎

汪澈

二十六年八月除二十八年正月為校書郎

林之奇

二十六年九月除二十九年六月為校書郎

陳山

字魯山會稽人黃公度榜進士出身

治詩賦 二十七年十月除二十八年九月為荆湖北路安撫司參議官

魏志

二十七年十月除二十九年

年六月為校書郎

劉望之

字彛叔瀘州人陳誠之榜同進士出身治詩賦二十八年正月除二十九

年七月致任

王端朝

字季高澶洲人趙達榜同進士出身治春秋二十八年正月除二十九年八月

為江南東路安撫司主管機宜文字

陳孺

字漢卿臨川人王佐榜進士及第治詩賦二十八年四月除是

月**劉度**

二十九為校書郎

查籥

字元章江陵人趙達榜進士及第治

春秋二十九年七月除三十年十二月

馮方

二十九為校書郎

胡憲

字原

仲建安人六年九月賜進士出身治書三十年七月除十二月

周必大

三十年十月除

三十二年五月為監察御史

程大昌

三十年十月除三十二年七月為著作佐郎

蔣希

十

一年八月除三十二年七月為校書郎

芮燧

字國器吳興人王佐榜進士及第治詩賦三十一年八月

除三十二年六月為監察御史 **龔茂良** 三十二年五月除 **王東里** 三年

五月除隆興元年 **程千里** 字偉明上饒人王佐榜同進士出身治書三十二年五月

除隆興二年二月 **方翥** 字次雲莆田人黃公度榜同進士出身治詩賦三十二年十月除

六月罷 **戴達先** 三十二年十二月除隆興二年十月為校書郎 **張宋卿** 三十二年

十一月為秘書郎 **隆興以後七人** **梁克家** 元年三月除

月為校書郎 **劉夙** 元年三月除七月 **鄭伯熊** 元年三月除八月

莫冲 元年三月除二年 **鄭升之** 二年閏十一月除乾道

唐仲友 元年二月監南嶽廟 **范成大** 二年三月為校書郎

書 郎 乾道以後三十一人 王銜 元年三月除二年六月為校書郎 施

師點 元年三月除二年十一月為校書郎 胡元質 元年七月除二年三月為校書郎 梁介

元年九月除二年三月為校書郎 施元之 二年二月除三月罷 黃鈞 二年四月除三月為校書郎 關

郎 李遠 二年十月除三年七月為校書郎 范端臣 二年十二月除三年七月為校書郎 詹元

者孫 二年十二月除三年七月為校書郎 負興宗 三年七月除四年十一月為校書郎 陳駉

宗 三年七月除四年十一月為校書郎 劉焯 三年七月除四年十一月為校書郎 蕭國梁

月除六年六月為校書郎 楊興宗 四年十二月除五年三月為校書郎 蕭國梁

除十二月為校書郎 趙汝愚 五年五月除六年六月為校書郎 林光朝 五年七月除六年六月為校書郎

月為著趙雄五年十一月除六年
作佐郎閏五月為著作郎劉朔字復之莆田人梁克家榜進士

出身治春秋六年二月除閏馮田字宗易長樂人梁克
五月為福建安撫司參議官家榜進士及第治書

兼詩賦六年三丁時發六年六月除七年
月除七月罷七月為校書郎王希呂六月

除七年八月唐仲友六年十一月除八年
為著作佐郎五月為著作佐郎呂祖謙七月

除八年二月蔡戡字定夫莆田人蕭國梁榜進士及第治
月丁憂詩賦七年九月除八年七月知江陰軍

蔣繼周八年十二月除淳熙陳自修字德新金陵人王
元年正月為校書郎十朋榜進士出身

治詩賦八年十二月林枏九年二月除淳熙元
除九年十月致仕年六月為校書郎史彌大

九年二月除淳熙元崔敦詩字大雅靜海人梁克家榜
年六月為校書郎進士出身治禮記兼詩賦

欽定四庫全書

齒牙會月全
卷八

九年二月除淳熙張續字季長唐安人木待問榜進士
九年十一月丁憂出身治詩賦九年九月除淳熙

元年十一月丁憂 淳熙以後三人 李堂二年正月除三年正月為校書郎

石起宗二年正月除九月為校書郎 何澹二年三月除四年六月為校書郎

日歷所檢討官 紹興以後一人 林之奇二十七年十一月以

正字
兼權

日歷所編類聖政檢討官 隆興以後一人 王東里

元年七月 乾道以後二人 王銜元年三月 施師點以正字兼

元年三月 以正字兼

史館修撰

紹興以後十三人

綦崇禮

字處原北海人嘉王榜進

士出身三年四月以翰林學士充八月除寶文閣學士知紹興府按宋史本傳作字叔厚登重和元年上舍

第常同

四年八月以中書舍人兼九月除集英殿修撰知衢州

王居正

字剛中廣陵人何渙

榜進士出身四年十月以權中書舍人兼五年四月除徽猷閣直學士知饒州范冲五年五月

待制兼六年十二月除龍圖閣直學士提舉洞霄宮

任申先

五年十月以中書舍人兼孫近年

正月以吏部尚書兼九月傅崧卿七年十二月以給事除龍圖閣學士知紹興府中兼八年正月除徽猷閣待制提

舉太平觀

勾濤

字景山成都人霍端友榜同進士出身八年三月以中書舍人兼九月除

徽猷閣待制

呂本中

字居仁開封人六年七月賜進士出身八年八月以中書舍人兼十一月

提舉太

張燾

字子公鄱陽人何稟榜進士出身八年十月以兵部侍郎兼九年十月除寶文閣

學士知

成都府王剛中

二十八年八月以中書舍人兼周綰字

約括蒼人

蔡蕤榜進士及第二十八年十月以權吏部侍郎兼二十九年三月除集英殿修撰知温州

義問

字審言新定人李易榜進士出身

直史館

紹興以後二人

范冲

四年八月以宗正少卿充任申先

五年七月以起居舍人兼

史館校勘

紹興以後九人

鄧名世

四年八月以刪定官兼五年二

月為正

王蘋

五年二月

喻樗

五年二月

李彌正

五年二月

字仍兼

以正字兼

以正字兼

以正字兼

以正字兼

以正字兼

以正字兼

字胡珵

五年四月

兼正字范如圭

六年十月

以正字兼高閱

七年二月以校書郎兼

按宋史本傳作擢禮部員外郎兼史館校勘

部施廷臣

七年六月以校書郎兼

朱松八年四月

以度支員外郎兼

史館檢討

紹興以後一人

環中

四年八月以丞兼

修國史

紹興以後一人

周麟之

二十九年閏六月以翰林學士兼

乾道以後二人

汪應辰

五年四月以吏部尚書兼

王暉

八年七月以翰

林學士承旨兼

淳熙以後二人

王淮

二年三月以翰林學士兼閏九月除簽書

樞密院事周必大

四年七月以翰林學士兼五年三月為禮部尚書六年十一月為吏部尚書並兼

同修國史

紹興以後四人

賀允中

二十八年八月以權禮部侍郎

兼周麟之

二十八年八月以中書舍人兼

葉義問

二十九年八月以吏部侍郎兼

呂廣

問

字仁甫符離人沈晦榜進士及第三十二年十月以權禮部侍郎兼

乾道以後十人

劉儀鳳

元年三月以權兵部侍郎兼

陳俊卿

元年三月以吏部侍郎兼

洪邁

十二月以起居舍人兼

胡元質

五年十月以中書舍人兼

陳良翰

字邦彥天台人汪應辰榜

進士出身五年九月以權兵部侍郎兼十二月除左諫議大夫

范成大

六年十月以中書舍人兼

雄

六年十月以中書舍人兼

周必大

七年六月以禮部侍郎兼

沈夏

八年七月以戶部侍郎

兼郎黃鈞

八年七月以兵部侍郎兼

淳熙以後二人

留正

二年三月

以權禮部
尚書兼

李燾

三年正月以監權三
月為權禮部侍郎兼

國史院編修官

紹興以後十三人

胡沂

二十八年
八月以吏

部員外
郎兼

葉謙亨

二十八年八月以
吏部員外郎兼

汪澈

二十八年八月
以校書郎兼

沈介

二十八年八月
以少監兼

洪邁

二十九年四月以校書郎兼三
十年七月以禮部員外郎再兼

三十二年
八月罷

虞允文

二十九
年六月以丞兼

馮方

三十年九月
以校書郎兼

周必

大

三十一年十月
以正字兼

蔣芾

三十二年正
月以正字兼

芮燧

三十二年五
月以正字兼

龔

茂良

三十二年九月
以校書郎兼

劉儀鳳

三十二年十月以
禮部員外郎兼

王十朋

三十二年十一月
以司封員外郎兼

隆興以後二人

胡銓

元年四月
以起居郎

兼晁公武

字子止濟南人二年二月以吏部員外郎兼三月以樞密院檢詳諸房文字兼

乾

道以後二十三人

范成大

元年六月以校書郎兼十一月為著作佐郎二年二

月為吏部員外郎並兼三月罷五年五月以禮部員外郎再兼十二月為起居舍人六年五月為起居郎仍兼

胡元質

二年三月以校書郎兼

王銜

二年六月以校書郎兼

施師點

三年二月以校

書郎兼

李燾

三年八月以兵部員外郎兼十二月除禮部員外郎五年四月為少監並兼

洪邁

三年十月以起居舍人再兼

負興宗

四年六月以正字兼劉季裴

四年六月以丞兼十二月

為著作佐郎亦兼

劉焯

五年九月以校書郎兼六年六月為著作佐郎七年三月為國子司業並兼

林光朝

五年九月以正字兼

施元之

五年十一月以起居舍人兼是月除左司諫

周必

大

六年七月
以少監兼

趙雄

六年九月
起居舍人兼

查籛

六年九月
以太府少卿兼

黃鈞

六年十一月
以太常少卿兼
四年以秘閣修撰知瀘州

呂祖謙

六年十二月
以大學博士兼

年九月為
正字亦兼

九袞

七年十二月
以丞兼

崔淵

八年五月
以丞兼

丁時發

八年七月

以著作
佐郎兼

木待問

八年七月
以校書郎兼

蕭國梁

九年正月
以郎兼三月為著作

郎亦兼
陳駸

九年正月
以少監兼

楊恂

九年正月
以定官兼四月為丞亦兼

淳

熙以後十一人

鄭僑

元年八月
以著作佐郎兼

蓋經

元年八月
以敕令所刪定

官莫濟

二年四月
以監兼

李堂

二年十二月
以月為校書郎九月為著作佐郎

並傳伯壽

二年十二月
以三年九月為著作郎亦兼

蔣繼周

三年正月
以秘

欽定四庫全書

南宋館閣錄

卷八

書郎

何澹

三年六月以正字兼四
年六月為校書郎亦兼

呂祖謙

三年十一月以秘書郎兼

陳騏

四年七月以監兼

鄭伯熊

四年七月以國子司業兼
九月為宗正少卿亦兼

范端

臣

四年七月以禮部員外郎兼九月為
軍器監五年五月為起居舍人並兼

國史院檢討官

紹興以後三人

嚴抑

十三年二月以丞兼十四

年三月除吏部
員外郎復權

張闡

十三年二月以秘書郎兼

王楊英

十三年五月以吏部員外

郎兼七月
月罷

寶錄院修撰

紹興以後九人

范同

字擇善江寧人何桌榜進士出

身十年四月以權吏部侍郎兼八月除給事中
一年五月除翰林學士再兼七月除參知政事

朱翌

十一年七月以中書
舍人兼十一月罷
王鉢字應仲許昌人何稟榜進士
出身十一月十一日以中書

舍人兼十二
年三月致仕
王賞字望之開封人霍端友榜進士及
第十二年九月以權禮部侍郎兼**段**

拂字去塵江寧人
禮部侍郎兼十四年二月除中書舍人仍兼十六年
中博學宏詞科十三年十一月以權

正月除**錢周材**十六年三月以中
給事中**秦墳**字伯和建康人
書舍人兼六月罷張孝祥榜進士

及第二十四年四月以敕文閣待制兼二
十五年十月除敕文閣直學士提舉宮觀
吳秉信字信四

明人何稟榜同進士出身二十六年六
月以中書舍人兼八月除吏部侍郎
賀允中字子忱

何稟榜同進士出身二十六
年九月以權禮部侍郎兼
乾道以後二人
洪邁

三年六月以
中書舍人兼
王曦字承旨兼
八年閏七月以翰
淳熙以後一人

欽定四庫全書

尚書制書金
卷八

王淮

二年三月以翰林學士兼

實錄院同修撰

紹興以後六人

張嶠

十年八月以中書舍人兼

周麟之

二十七年十月以中書舍人兼
按 標目載六人下僅列二人顯有脫漏

乾道以

後七人

洪邁

二年十二月以起居舍人兼

胡元質

六年四月以中書舍人兼

成大

六年十月以中書舍人兼

趙雄

六年十月以中書舍人兼

周必大

七年六月以權禮部

侍郎沈夏

字得之吳興人趙達榜同進士兼

黃鈞

八年七月以權

兵部侍郎兼

淳熙以後二人

留正

字仲志溫陵人梁克家榜同進士出身二

年三月以權禮部尚書兼
史本傳作字仲至泉州永春人

按宋

李燾

三年正月以監權三月為權禮

部侍
郎兼

實錄院檢討官

紹興以後九人

朱翌

九年十月以
校書郎兼

劉昉

字方明潮陽人沈晦榜進士出
身九年十月以禮部員外郎兼

張嶠

十年四月以
司勳員外郎

兼王賞

十二年三月以
司農少卿兼

孫仲鼈

二十一年六月以
司勳員外郎兼

胡沂

二十六年二月以正字兼

葉謙亨

二十六年二月以正字兼

黃中

二十六年六月以校書郎兼

汪澈

二十六年八月以正字兼
十九年十一月有樞密院編

按前撰述門內紹興
修官兼權實錄院檢

討官周紫芝一條二十二年十一月有樞密院編修官
兼權實錄院檢討官楊迥一條二十四年九月有國子

監書庫官兼權實錄院檢討官鄭時中一條
原本于此均未列載疑係脫漏附以備攷

乾道以

後十九人

胡元質

二年十二月以禮部員外郎兼三年十月為右司諫四年九月為起居

舍人范成大

五年五月以禮部員外郎兼十二月為並兼起居舍人六年五月為起居郎並兼員

興宗

六年四月以劉焯六年四月以校書郎兼六月為著作佐郎兼劉焯著作佐郎七年三月為國子司

業並李燾

六年四月以少監兼林光朝六年四月以正字兼周必大六年七月以少

監趙雄

六年九月以查籥六年九月以太府少卿兼黃鈞六年十一月以起居舍人兼

少卿呂祖謙

六年十二月以太學博士唐仲友七年七月以正字兼

字九袞

七年十二月以丞兼八丁時發八年七月以著作佐郎兼崔

淵

八年七月以丞兼木待問八年七月以校書郎兼九蕭國梁

八年七月以丞兼

八年七月以校書郎兼九蕭國梁

九年正月以秘書郎兼
陳駸九年正月
楊恂九年正月
三月為著作郎亦兼
少監兼
以敕令所

刪定官兼四
淳熙以後八人
鄭僑元年八月以
蓋
月為丞亦兼

經元年八月以敕
莫濟二年四月
李堂二年十二月以
正字兼三年正
今所刪定官兼

為著作郎並兼
傅伯壽二年十二月以著作郎兼
為著作郎亦兼
為著作郎並兼

蔣繼周三年正月以
何澹三年三月
呂祖謙三年十一月
秘書郎兼

兼郎

欽定四庫全書

卷八

欽定四庫全書

南宋館閣錄卷九

宋 陳騏 撰

廩祿

秘書監

行四十二貫守三十八貫試三十五貫米
麥各十石添給錢十貫厨食錢十二貫

少監

行三十二貫守三十貫試二十八貫米麥各七石五斗

厨食錢十二貫 按宋史職官志舊制秘書少監職錢

行三十五貫守三十二貫試三十貫新制行三十

二貫守三十貫試二十八貫原本誤仍舊制今改正

丞

行二十五貫守二十貫試二十貫

著作郎

行二十五貫守二十貫試二十貫

秘書郎

行二十二貫守二十貫試十八貫

著作佐郎

行二十二貫守二十貫試十八貫

校書郎

行十八貫守十
六貫試十四貫
正字
行十六貫守十五貫試十四貫自
丞以下各特支米三石厨食錢九

貫
時服
監少端午天申節單羅公服大綾夾袴勒帛汗
衫十月朔夾公服小綾汗衫勒帛大綾夾袴丞

以下至正字羅公服絹汗衫內朝奉郎并權郎綾汗衫
十月朔夾公服如通直郎以上絹一疋充汗衫朝奉郎

以上小綾一疋充汗衫勒帛通直郎以下絹汗
衫一領長三十二尺四寸選人止給羅公服
折食錢

紹興四年二月十八日詔修書官吏依例各破御厨食
一分監修國史等官第一等四十貫本省長貳第二等

三十七貫五百著作郎
以下第三等三十五貫
茶湯錢
紹興九年九月四日詔
秘書省官警校國朝會

要逐官每月添給
茶湯錢二十貫

吏祿 都孔目官
添給料錢各八貫五百文日支食錢
三百文贍家錢四貫五百文米麥各

一石五斗內麥折錢三貫文春冬
衣絹各一十匹冬加綿二十兩
孔目官 添給料錢各
七貫五百文

日支食錢三百文贍家錢四貫五百文麥各一石
內麥折錢二貫文春冬衣絹各五疋冬加綿十五兩
四

庫書直官書直官

每人添給料錢各五貫文日支食錢
各三百文贍家錢各四貫五百文米

麥各一石內麥折錢二貫文春
冬衣絹各二疋冬加綿一十兩
表奏官 添給料錢各四
貫五百文日支

食錢三百文贍家錢四貫五百文米
一石春冬衣絹各二匹冬加綿十兩
書庫官守當官 每
人

添給料錢各四貫文日支食錢三百文贍家錢四貫五
百文米一石書庫官春冬衣絹各一疋冬加綿十兩

正名楷書

每人添給食錢三貫文料錢五貫文日支食
錢二百四十文贍家錢二貫二百五十文米

二石
守闕 添給食錢三貫文料錢三貫五百文日支食
錢二百四十文贍家錢二貫二百五十文
正

係名

月給食錢四貫文日支食錢二百四十文贍家錢二貫二百五十文

守闕係名

月給食錢

三貫文日支食錢二百四十文贍家錢二貫二百五十文

監門使臣

請給依權貨務監門例

廳從

監廳子一名衣糧親事官六名承送舊法六名

近制三名少監廳子一名衣糧親事官舊法六名近制

四名承送舊法四名近制二名秘書丞著作郎秘書郎

著作佐郎廳子各一名衣糧親事官承送舊法各二名

近制各一名校書郎正字廳子各一名承送舊法各二

名近制各一名

廳子料錢二貫文承送一貫八百文衣糧一貫五百文又給折麥錢七百二十

文米五斗四升每日食錢一百八十文衣
糧春衣絹一尺布二匹冬絹二尺綿十兩

欽定四庫全書

南宋館閣錄
卷九

--	--	--	--	--	--	--	--